



安徽通志

ル 5  
1575  
28



1575  
28



重修安徽通志卷九十

學校志

學宮三

廬州府

廬州府儒學在府治東肇於唐會昌盛於宋咸平廢於紹興之  
 兵革乾道以後帥守趙璠老翟朝宗重新之明宣德中同知謝  
 庸創修正統景泰閒知府揭稽史濡孟玘馬金李崙徐鈺相繼  
 增繕門廡堂齋悉備並建尊經閣正德中知府龍誥重修王禕  
 為之記太守下車之日當謁文廟為禮升明倫堂聽講諸生  
 日勉之諸生各頓首謝教而退勤者朔望率如故事學業之成  
 廢行履之淑惠漫不加省嗚呼師帥之職審如是乎哉今廬州  
 太守龍公來莅郡進師於堂而諭之曰凡我二三子之從事  
 於庠序者將襲衿佩之光以耀其鄉閭乎抑舍咀屢飫於詩書  
 之腴以澤其體膚乎將洪忍汨沒其籍廩之入以飽其妻子乎  
 抑沈浸滯澹深入聖賢之室以無忝青陽大蜀之靈秀乎眾皆

重修安徽通志卷九十

學校志

學宮

一

廬州府

重修安復通元 卷十一  
曰不敏敢不祗命於是口授疑義問辨切劘有出於科舉文字  
之外者眾皆悅鯁然惟恐不及人人自以為得所師矣乃諗  
於眾曰明珠之光不繫乎櫝而美櫝者以為珠重良工之勤不  
必於肆而居肆者以為工資廬之廟學毀圮弗葺非所以崇儒  
雅而飾至治也蓋舉而新之皆從命於是鳩工庀材卜日而舉  
屬教授宋君希睿董其役廡門堂齋居號舍各以書走京師而  
經始於正德辛巳秋仲明年春季告成希睿乃以書走京師而  
屬記於碑碑嘗被命提學河南廬與汝相密邇公之政教稔聞  
之以風勵郡邑獨不知所以善誘於諸生者何道也夫道學之  
暢明敷達於天下也久矣而奚疑於是哉特以近世學士以言  
語文字為煩直趨徑造為速而或病乎朱子之學為未足以發  
聰明洵伊洛之旨其為論說精神亦能有所感發四方之士負  
聰明偉特不羣之者翁然起而宗之將以學問為咕嗶之陋  
遂盡暴棄而不之講也豈不悖哉禱嘗考之白鹿洞間之揭皆  
取諸孔門遠論非考亭所創也請以是揭諸堂齋之右俾聰明  
偉特不羣之士有所折衷何如既敘公之成績而於未也以是  
訊  
嘉靖十年制增啟聖祠建敬一亭貯六箴碑各縣如之萬曆  
三年知府吳道明重修增建興文樓明季燬於兵  
國朝順治八年知府吳允昇捐俸修廟康熙二十年知府薛之佐  
重修復建名宦祠二十二年知府杜立本畢其工厥後知府馬

雲從姚魚陳廷綸繼修雍正五年知府趙向奎重修乾隆五年  
知府尤拔世二十一年知府趙瓚二十八年知府王歲重修三  
十三年知府祝忻重修未竣知府徐文燦踵成之四十五年知  
府恭恪本作格據職官表改重修並添築照牆四十六年紳士重修泮池  
五十七需知府和騰額重修並建奎樓嘉慶七年知府張祥雲  
捐俸倡修正殿兩廡至戟門櫺星門泮池雲路坊明倫堂並周  
圍垣牆煥然一新  
崇聖祠 名宦祠 鄉賢祠 忠義孝弟祠 節孝祠各州縣學同  
合肥縣儒學在縣治東南舊在威武門外宋淳熙中少保郭振  
拓城基遷於城內景賢書院即今阨元至正中總管拜住重建  
明洪武初知府張義撤而新之永樂正統間踵修景泰二年災  
知府史濡市都督王珪宅拓地重建成化閒知縣陸淵周璣宏

重修安復通元 卷十一  
學校志 學宮  
廬州府

治閒知府馬金嘉靖閒知縣董執中天啟閒知府張正學知縣陳瑄教諭江大魁相繼修葺明末燬於兵

國朝順治三年訓導蘇紹軾教諭宰維翰知縣方象璜屢加修葺康熙二十一年知縣范時著捐修明倫堂歲久傾壞二十二年知府杜立本率僚屬捐資改修重建明倫堂康熙四十四年教諭鍾于序建尊經閣雍正九年知縣趙良墅重修乾隆四十四年知府恭恪知縣劉崑重修學宮並清理學基

廬江縣儒學舊在南門內元至正元年縣尹兀職官表同疑當作完顏綱修建明洪武七年知縣傅鉉遷於三思橋北即今地洪熙元年知縣黃惠重建正殿宣德中知縣馬驥天順中知縣王慶成化閒知縣梅江劉紳相繼修建櫺星門泮池橋宏治閒知縣胡賜重修置號舍正德嘉靖閒知縣劉夢熊周良會劉裁先後拓地

增修萬曆中軒尚朱天啟中楊墀崇禎中教諭胡從政次第修整知縣張雲鶚建文昌閣於堂後旋燬於兵

國朝順治四年知縣周迓祚舉人畢翼周諸生徐愈壯構廳事三閒未經立廟康熙六年知縣孟述乾訓導盛損之集邑人重建併復櫺星門二十四年教諭王琳徵訓導丁象臨建儒學門生員李錦林建兩廡王琳徵重修明倫堂知縣王仁深重建戟門教諭金佐移建啟聖祠知縣何洪先重修正殿雍正二年教諭張廷琛復倡修明倫堂並建禮門義路坊教諭李蒸修儒學門四年九年知縣鄔廷幽陳慶門修櫺星泮宮門邑人盧辰告建尊經閣許望齡重建名宦祠王昌任等重修泮池乾隆二十七年知縣李天植倡捐重修建櫺星門石坊五十九年知縣史統順倡捐修葺咸豐初學燬同治六年知縣黃光彬重建

舒城縣儒學在縣治西元至正間燬於兵邑人許榮改築於新城門外明洪武初知縣員蟻建於今地宣德末知縣劉顯成化中知縣楊縉宏治中知縣張寶嘉靖中知縣魏寶何偁雷孟冬黃誥隆慶中徐成位萬曆中知縣王楨陳魁士錢允燦教諭傅敏功雷芳相繼增葺明末寇燬僅存正殿數椽

國朝康熙三年知縣何朝聘捐俸倡修知縣王朝瑞重建明倫堂三十九年知縣沈以拭重建正殿五十三年教諭徐千之重修學宮雍正七年知縣陳守仁建崇聖祠乾隆二十三年邑人靳宏士重修五十八年教諭姜兆狎勸輸重新正殿改建兩廡靳宏士孫文莊重修前殿嘉慶十年知縣覺羅長庚重修咸豐初學燬同治九年知縣王昌南重建  
無爲州儒學宋皇祐中建在錦繡溪北崇甯中徙漕臺之東

後遷西隅政和間復遷錦繡溪賜御書大成之殿四大字元季兵燹至正間學官全璧建兩廡明洪武初知州王奉訓新之宣德中王仕錫天順中熊恕成化中楊士侔劉紹元宏治中辛文淵嘉靖中同知許用中隆慶中知州洪邦光萬曆中同知查志文知州趙範陳嘉賓相繼恢拓視昔有加崇禎中知州李春華重修

國朝順治九年知州佟國楨康熙三年知州李祐之學正曹鼎臣捐修鼎臣以形家言改天香亭建樓名天香閣二十年知州王國輔學正史逸孫訓導何嗣和倡修廡工未竟三十三年知州張國貞修尊經閣三十六年知州李璋重修泮池石橋四十六年知州胡良佐徧加修葺乾隆元年學正謝陞訓導金玉式勸修正殿十三年江防同知王又樸倡捐鼎修五十七年知州蘇

椿倡修未竟五十九年知州顧浩重修

巢縣儒學在縣治西宋紹興間知縣江瑄創建趙登善踵成之

元季兵燬明洪武初知縣趙廷用重建成化中教諭陳瑞訓導

桂連請建尊經閣知府李崙成之陳楷為之記巢縣學背之高

所據廟之棟宇雄偉壯麗俯瞰巖宮凡邑之祈禱佚遊者率由

講堂徑入鉦鼓之聲自旦達暮大為弦誦之病成化丙申莆陽

陳君瑞來與學心欲毀而力未任歲戊戌適吾慈桂君連來貳

教即毅然曰夫子之宮而可以妖淫滄之哉斥之奚容緩耶與

陳君協謀明年上其事於府得請檄縣丞毀之俾以基宇歸學

縣令李進膠於巫史禍福之說固執不可陳桂二君義形於色

躬率諸生踏其像而撤之即顏其楹曰尊經閣移御書經史於

其中而扁鑰之李令憤且志構他事以加害桂羣弟子思慕不

忘徵余記之余惟尊經以閣重道也闢邪以正衛道也以重道

之心為衛道之計郡邑大夫正當鼓舞舞誘掖之不暇顧乃倒戈

相攻會不知其所遊非聖門所讀非孔氏書乎朱子有言不能

攻徒平日所畏者不必攻討之說亂賊之徒也桂君所學所蘊

吾君死而閣存見閣猶見桂君也閣以載經經以載道諸生登

桂閣者講焉習焉辨焉思焉使道之載於經經之載於閣者皆

斯閣而無餘此尊經之實也此二師立閣之盛心而桂君之死

在我而無餘此尊經之實也此二師立閣之盛心而桂君之死

猶不死若徒以是為觀視之美以是經為誦說嘉靖間改建於

之具而不能體諸身尊經云乎哉學者勛諸

慈氏寺萬曆中巡撫吳桂芳捐俸協助復建於故址後府同知

孫化龍知縣陶九韶馬如麟鄒得魯王甯陳綸教諭徐宏泰王

彝章相繼修治明末傾毀

國朝順治十四年教諭魏侯聘重修康熙十一年知縣于覺世二

十九年知縣楊極重修知縣孫芝芳捐俸修兩廡戟門櫺星門

雍正七年知縣鄒理教諭范正笏修崇聖祠尊經閣乾隆四十

七年知縣史必大教諭李景堂訓導葉時鳴以紳士請改建尊

經閣據臥牛山之陽面大秀山規制宏壯嘉慶年間知縣左輔

許肇封魏象彩相繼督修

鳳陽府

鳳陽府儒學在府治東城內先是明洪武十八年建中都於譙

鳳陽府

鳳陽府

鳳陽府

鳳陽府

鳳陽府

樓雲濟街置國子監有彝倫堂繩愆廳博士廳典籍掌饌各廳率性修道正心誠意崇志廣業六堂十九年改爲鳳陽府學中爲正殿東西兩廡設櫺星門戟門泮池廚庫繞垣植以松柏列大成興賢育材坊牌於戟門外跨雲濟街景泰閒知府仲閔重修宏治庚戌知府章鏡開大成路建尊經閣徙教授訓導署並射圃於明倫堂之北邱濬爲之記知府孟俊再修吳寬爲之記嘉靖十年詔增啟聖祠敬一亭貯六箴碑各縣如之崇禎四年燬於火六年知府徐世廕建正殿尊經閣戟門東西兩坐房名宦祠鄉賢祠泮池大成門東北啟聖祠敬一亭土地祠射圃西北魁星樓規制畢備

國朝康熙四年知府戴斌推官黃貞麟重修十九年鳳廬道孫蘭知府耿繼志同知劉芳聲劉忠國暨各州縣捐俸重修教授湯

原振董其事自後相繼修葺未舉大工乾隆二十年新建府城迫於地勢分學宮在西城外教官署在西城內巡撫鄂樂舜以體制不協乃命移建今地建正殿五閒東西廡各九閒戟門五閒泮池前櫺星門三座明倫堂五閒在正殿後崇聖祠在明倫堂東名宦祠在戟門左鄉賢祠在戟門右孝義祠在明倫堂西土地祠在名宦祠左繚以周垣新築基地不堅材木半移拆舊物未十年而崇聖祠已頽東廡九閒復爲風折正殿明倫堂亦多坍塌滲漏知府俞成同各州縣捐俸重建知縣貢震董其事四十五年知府福保重修五十六年知府楊禮行加葺移教官署於東側嘉慶十三年署知府姚鳴庭復修西廡二十年教授倪模詳請修葺歷任鳳廬道札隆阿戴聰暨知府倪思溇蔡炯王耀辰等捐俸倡修大股換葺黃瓦及明倫堂戟門櫺星門東

西兩坊次第增葺道光二年竣其事

崇聖祠 名宦祠 鄉賢祠 忠義孝弟祠 節孝祠 各州縣學同

鳳陽縣儒學在縣治西偏明洪武十一年建於縣治東門外正統十四年大加修建景泰中知縣劉誠重修縣丞趙進建文昌祠宏治間知縣潘永嘉重修萬曆五年署縣事通判李光前開雲路玉帶水二十五年知縣李存信新建尊經閣敬一亭四十二年知縣萬嗣達濬泮池

國朝康熙九年戶部分司圖鼎詹惟聖教諭岑兆旂捐資重修二十一年知縣丁耀祖教諭項龍章訓導張吳捐俸重建正殿兩廡櫺星門二十五年知縣李縉移建今地惟學署未建教諭訓導儼居府市春秋二祭朔望行香外無一人至學者學宮日就頽壞明倫堂全圯乾隆六年知縣武巖教諭胡煥捐資重建明

倫堂二十年裁臨淮縣以鳳陽訓導管臨淮鄉學駐劄臨淮知縣鄭時慶請建教諭署於學宮東南於是教官始有公署二十八年知縣貢震教諭唐雲三十三年知縣孫維龍重修咸豐初學燬同治七年知縣俞熙教諭章世溶重建

附臨淮鄉學在舊縣治西明洪武間知縣樂瓚始建旋徙於府學舊基宣德宏治間主簿蕭本芳知府孟俊屢修嘉靖二十二年大水圯隆慶六年知縣陳哲改天妃宮舊址為學宮萬曆十五年知縣陳民性仍遷於縣治西崇儒坊舊址二十五年知縣薛芳重修規模視昔宏壯後東齋東廡被燬三十三年知縣賈應龍重修

國朝順治六年淮水衝沒七年知縣徐必進復於曲陽門外書院舊址建正殿三間明倫堂三間戟門三間十八年同知郭顯功



署縣事復遷正殿於崇儒坊舊陞水益爲患康熙九年署縣事葛翊宸訓導尤運昌率廩生陸端等改卜於聞喜門外徘徊山之南建大殿三間知縣魏宗衡勸輸繼修二十三年知縣陳宗彝教諭蘇應秋擇地於南門外滋德坊重建四十七年知縣王紘捐修乾隆四年以古開元寺改建學宮屢遭淮水傾圮至四十年廬鳳穎道棟文知府福保知縣于萬培勘議捐俸倡修訓導潘景瓚力任其勞勸城鄉紳士捐資鼎新之

懷遠縣儒學在縣治東南元季燬於兵明洪武三年知縣唐蔚教諭王景章卽故陞建學舍正統天順間相繼修葺成化十七年淮水漲溢學圯移建縣治東一里荆山之麓正德七年提學御史黃如金知縣李豫復移建今陞嘉靖後知縣任俊商承學王存敬莊祖誼相繼修葺明末傾圮

國朝順治十二年知縣傅鎮國教諭申詒芳重修康熙十一年知縣于鴻漸訓導俞潛飛捐修五十六年知縣劉鑑捐俸重修邑人楊大勳助修兩廡濬泮池建三橋於池上雍正元年庠生宋暄於雲路前建奎星閣嘉慶三年邑人林中桂倡捐重修嘉慶二十三年知縣孫讓訓導楊瓊林邑人林中杭等重修正殿升高四尺

定遠縣儒學在縣治東南舊在縣治西宋淳熙六年改建今地後燬於兵明洪武三年知縣朱玉卽舊陞重建正統二年知縣沈安復修宏治間知縣朱恭曾大有章澤相繼修葺嘉靖三十七年知縣高鶴捐修萬厯崇禎間屢修屢圮

國朝順治十一年知縣高萬仞訓導談志重修易櫺星門以石康熙三年知縣徐杆捐俸加修二十年知縣曲震重修正殿同治

三年邑人吳開會重修兩廡崇聖祠明倫堂八年知縣陳際春  
施錫衛九年知縣劉宗海均捐修正殿戟門泮池

壽州儒學在州治西唐宋並在州治東南元時移州治西清淮  
坊即今地泰定閒經歷岳復等修葺明洪武二年知州夏侯顯  
修正統七年知州惠理重修景泰閒知州王長福重修成化閒  
知州陳鎰建尊經閣宏治閒同知董豫闢學前地為雲路立泮  
宮坊正德閒知州林僖大修明倫堂尊經閣及師生居處之所  
百餘閒規制漸備嘉靖三年知州何東萊修禮門義路易櫺星  
門以石十四年知州王重賢二十八年知州栗承祿隆慶六年  
知州甘來學萬曆五年知州莊桐二十五年知州李邦潢三十  
一年知州郭蒙古四十三年知州閻同賓皆重修四十七年臬  
司賈之鳳飭修學宮前作玉帶水贊以石天啓二年學正黃奇

士七年學正張一元同署知州范紹裘重修崇禎六年郡人方  
震孺種樹於學宮

國朝順治六年圮於水十二年知州李大升捐俸助修康熙年閒  
知州黎士毅學正荆振何琴雅程登鼎知州沈顯貴相繼修葺  
三十年進士周文郁勸修六十年紳士公修明倫堂雍正六年  
州人方時寶重修十一年分設鳳臺縣以學正理州學事  
以訓導理縣學事仍與  
壽州同學乾隆二年知州趙宗臬重建正殿二十一年署知州  
李天璽重修二十九年知州徐廷琳鳳臺知縣沈丕敘重建兩  
廡三十年知州席芑道光十八年知州續瑞鳳臺知縣沈宗誠  
同治二年知州施照相繼修葺

鳳臺縣儒學舊與壽州同祀同治三年縣移泊下蔡暫以文殊  
寺改為學宮僅建正殿及廊房數閒

宿州儒學在州治東元至元十一年知州左昂建元末兵廢明  
洪武三年知州吳彥中卽舊址重建正統初御史彭勛更新之  
成化間知州張黻修廟廡尊經閣建號舍及會講亭萬曆二十  
三年知州崔維嶽增修明末頽壞

國朝康熙十年知州呂雲英捐修五十三年署知州同知張洞生  
嘉慶十年知州熊載陞相繼修葺道光三年知州蘇元璐修尊  
經閣兩齋三十年知州王啟秀改修東西甬道青龍白虎巷各  
復舊

靈璧縣儒學在縣治東元至元二十六年縣尹李良佑建至正  
末燬於兵明洪武二年知縣穆政因元舊址重建二十二年知  
縣周榮增修正統二年提學御史彭勛以學制規模狹隘屬知  
縣呂琮增修殿廡齋舍均如制成化後知縣孔彥麒重建正殿

規模益壯宏治五年知縣陳王建櫺星門嗣後知縣陳伯安邢  
隆初芳相繼修葺萬曆四十五年知縣陳泰交更加繕治崇禎  
九年燬於兵

國朝康熙十二年知縣馬驥訓導汪之章重修十七年知縣姜玉  
竣其事規制畢具五十九年知縣于元吉倡修雍正九年署縣  
事俞玠修櫺星門泮池照壁左右宮牆乾隆十八年夏秋淫雨  
圯壞諸生劉長祚等捐資修葺道光間邑紳沈東華呂蘭坡修  
整宮牆增建敬一亭同治八年教諭張瀛捐修明倫堂

穎州府

穎州府儒學在府治南城迤東宋寶元元年蔡齊以戶部侍郎  
出知穎州奏請立學許之始建於西湖上歷三百四十年至明  
洪武十年大水學宮圯乃徙今地草創未備正統開學使彭勛

知州王希初孫景明葺而新之成化間知州李溥重修正德間兵備道孫磐建尊經閣嘉靖十年制增啟聖祠建敬一亭貯六箴碑各學同萬曆二十五年重修尊經閣

國朝順治七年知州孫可成學正朱應昇捐修康熙六年通判劉洪祚助修五十七年學正駱民新倡捐修葺雍正十二年陞州為府以州學為府儒學改學正署為教授署知州毛貢學正潘震洛重建尊經閣乾隆十二年知府王斂福清理學基大加修葺學宮前青雲路為居民所佔一併復舊十七年建鄉賢祠十八年知府胡恪知縣潘世仁教授路觀重修正殿道光十二年知府胡調元知縣張應雲倡捐重修十八年教授胡效曾倡修尊經閣二十八年知府毛含昱知縣孔傳藤捐修咸豐九年教授徐定修捐修明倫堂同治二年知府廖新知縣尹沛清率紳

重修九年邑紳劉璵重建奎星樓

崇聖祠

名宦祠

鄉賢祠

忠義孝弟祠

節孝祠

各州縣學同

阜陽縣儒學與府共學以復設訓導管縣學府學無訓導縣學無教諭

潁上縣儒學在縣治東舊在壽春門外元元統二年縣尹劉居敬建元季燬於兵明洪武四年知縣車誠遷今地十八年縣丞孔克耕重修成化十年御史鄭節因學隙地拓而大之御史劉忠益為增廓知縣李時儀曹琦魏頌廖自顯先後修葺隆慶元年知縣郁言概移南數十丈萬曆間知縣黃蘭芳何多張大業相繼修之崇禎四年以學前巷狹邑紳高天祐市民房以闢雲路十四年生員高熙生修牆立坊以正其界

國朝順治十年知縣鮑宏仁重修雍正八年知縣張志亨重修正

殿及兩廡明倫堂乾隆十六年知縣許晉以南城河隄口當學宮巽方舊隄久圯捐俸倡築並建龍門道光十年知縣黃應鈞二十三年知縣程鈺相繼修葺並建雲路坊同治六年知縣黃祺年重修

霍邱縣儒學在縣治東明洪武五年教諭于達創建宣德五年知縣嚴敬修成化五年知縣高顯二十年知縣蕭紳正德六年邑人許誠嘉靖二十七年邑人許珠四十二年邑人時暘余翊萬曆三年知縣周珮十九年知縣武之望天啟元年知縣鄧英相繼修葺

國朝順治九年知縣管抒素增修康熙二年知縣楊顯德教諭沈德輿重修七年知縣姬之簋重修嗣後間有修葺僅支傾圮乾隆十五年知縣丁恕捐修殿廡門堂規制大備知縣張海竣其

事嘉慶後歲加修整同治八年知縣陸鼎敷重建正殿兩廡明倫堂大成各門

亳州儒學在州治西南舊在州治東唐故址也宋慶曆間節度使夏竦重修元至元間監郡阿里海牙增建兩廡築宮垣學室後燬明洪武三年知州張文弼因故基創建宣德十年知縣陳溫衛指揮周廣增修正統六年知縣盧試第修天順六年知縣鄧昱建正殿成化九年知縣王瓘建明倫堂宏治十四年知州王沂以縣改州恢拓其制正德十六年知州顏木因諸生議以學宮狹隘遷於州治西南即今地嘉靖二十七年知州張挺建文明坊

國朝順治十一年知州嚴自泰學正秦錫等修兩廡康熙十九年知州唐翰陞修正殿五十八年知州蘇灝重修雍正九年知州

韓俊重修正殿道光三年知州任壽世勸輸建文昌閣於學左  
渦陽縣儒學卜基在城東南隅尚未建造

太和縣儒學在縣治東南明洪武五年知縣馬良因元時舊址  
重建崇禎四年教諭朱統鎮建尊經閣

國朝康熙十年知縣陳虞化訓導汪則大重修五十五年知縣蔣  
培基教諭王應文訓導王度重修正殿六十年邑人重修兩廡  
雍正五年知縣孫蔭孫修崇聖祠六年知縣張景謙修明倫堂  
七年署知縣孫俞玠修鄉賢祠九年知縣馬光學修名宦祠乾  
隆十年知縣楊遵時踵修十六年署知縣陳安知縣成兆豫教  
諭吳中最訓導洪朝元修葺殿廡泮池橋明倫堂文昌閣四十  
四年知縣李之萇署知縣周諤士教諭胡之祜訓導畢應辰重  
修道光二十年教諭諸仁煦訓導丁金榜修明倫堂尊經閣咸

豐元年知縣曾時夏教諭戴漢翔訓導胡紹瑛重修同治七年  
知縣胡嘉槐署教諭陳作肱署訓導余士玉捐修正殿兩廡教  
諭霍敬修訓導胡灼徐鈴踵成之

蒙城縣儒學在縣治東南學始建於元至元二十一年縣尹李  
仲卿因舊基作新廟元貞年間縣尹劉平正建學於今地明洪  
武四年縣丞趙麟教諭衛愈因元舊址重建知縣王克學教諭  
廖潛仲繼之正統五年知縣同彞張本相繼復修成化末知縣  
齊霄改修明倫堂宏治元年縣丞孟統修建戟門齋廡嘉靖十  
四年知縣王誠教諭周麟重修廟廡門堂規模畢備凡學之隙  
地舊爲奸民影占者俱查出歸學四十一年知縣任照又加修  
葺萬曆十年知縣吳一鸞因殿廡傾圮重加修葺天啟四年知  
縣張從容建尊經閣

國朝順治三年知縣蔣錄楚教諭吳璧重修十年正殿傾圮止存  
兩楹知縣田本沛教諭汪作霖重修康熙六年正殿又圮署縣  
事同知高之章重修八年知縣竹綠猗捐俸重建戟門十二年  
教諭黃學勤訓導施階重修兩廡移泮池於櫺星門外移土地  
祠於儀門外又於泮池南建照壁規模宏壯俱捐俸成之三十  
二年知縣范佩成建大魁閣四十五年教諭梁逢吉又修雍正  
七年知縣王大經教諭吳原兆重修乾隆十二年知縣葉履巨  
教諭戴紹祖重修二十年知縣許廷筆教諭郎祚廷重修乾隆  
三十年知縣淡如水教諭池樹儀重修三十六年淡如水復修  
五十七年知縣劉士煌重修正殿道光四年知縣楊忻教諭楊  
德山勸輸重修殿廡門庭俱加整葺

重修安徽通志卷九十一

學校志

學宮四

滁州

滁州儒學在州治東舊在子城內宋景祐間遷此元大德間重  
建吳澄為之記

滁州學正劉默言滁學在城東偏淝水經其南  
新孔子廟其時濂溪取具距今有警備於多事之際百役不  
月俱告成率荷簡潔己愛人為政期年民懷其惠士服其善  
大夫徐侯守禮器不中潔己愛人為政期年民懷其惠士服其  
廟屋不修禮器不中潔己愛人為政期年民懷其惠士服其善  
古名郡前守以昭名賢以文廟治民之蓋自吾夫子出天  
朝崇道興學以昭名賢以文廟治民之蓋自吾夫子出天  
聞者莫不感奮輸資効力以先市材命政人與爾學子安乎  
侯親勸帥之經始於癸卯之夏落成於甲辰之秋廟四崇六  
其修有二十餘年矣如東西之門五筵如兩廡崇三有七楹  
東中凡六祭器以梓以陶古制也泰尊山尊著尊朋參之為  
門之楹六祭器以梓以陶古制也泰尊山尊著尊朋參之為

尊儀與壺鈞象倍儀之數爵二十有九俎五十有四邊豆以十  
計簠簋以百計皆入疊洗各二簋七爵有坫籩尊有罍鬯及酌  
尊有勺諸用物稱是此獸所職掌而得免於瘵曠翳侯之賜請  
記其事俾後有考期且有嗣而修之也澄觀今之莅政者非昏  
墨以遂私圖則苟且以道公責夫孰知治之本哉徐侯治政不  
精謹獄訟簿書間以爲能夫孰知治之本哉徐侯治政不稱  
而士學爲重知聖道爲尊知天朝敦教厲俗之意不可不承  
宣也嗚呼賢哉可謂知治之本矣侯之必也民滌之土知學之  
記誦以夸其瞻詞章以逞其豔末也必也顯通於天道外而有  
恭遜廉恥忠信之行明於人倫日用之顯通於天道外而有  
審於公私善利之機存其仁義禮智之心檢其氣血筋骸之身  
志有守進則有猷有爲庶乎其可也若夫日講聖師之書而不  
真知不實踐於是類者無一焉則亦剽竊訓話涉獵文義而已  
耳與彼記誦詞章之末何以異而豈侯之所明洪武三年增修  
永樂初增建廟廡堂齋橋門射圃咸備嘉靖十年制增啟聖祠  
建敬一亭貯六箴碑縣各如之

國朝順治十八年督學王同春檄知州甯鳴玉建尊經閣康熙二  
年學正尹調羹重修殿廡十六年知州趙清真修建正殿暨門

廡堂舍未竟厥工二十年訓導湯調鼎輸俸鳩工偕知州趙清  
楨建明倫堂魁星閣二十二年知州王錫魁訓導湯調鼎修建  
尊經閣雍正五年知州趙良琦乾隆九年知州褚菊書學正倪  
廷饒訓導張一儁重修同治中提督李世忠捐資修建

崇聖祠 名宦祠 鄉賢祠 忠義孝弟祠 節孝祠 各縣學同

全椒縣儒學在縣治襄河北舊在縣南宋崇甯開縣令王俞卜  
地於縣治東明洪武間重建永樂後知縣馬繼祖張碧等修之  
正德七年提學御史黃如金以學基湫隘改卜於襄河北舊白  
雲菴地卽今址屬知縣潘侗遷建焉隆慶五年建尊經閣王廷  
幹爲之記全椒之巖左隅伏而邇者城其縣樓櫓之乃益從從  
瀉非厚厥基弗樓慶丁卯余邑侯曰左之墟可樓地濱河易於  
果辛未冬則嚴侯來也詣巖謁覽歎曰是學諭兼鐸議臺之不  
撫軍督學使者僉曰可侯於是首捐俸若千金而學訓顏節張  
滂典史郁敬暨邑中薦紳學彥居民莫不有腆出也曰資奚州



則擇者民貯焉而諸生魯時行金惟精楊崇等督工旦暮以之  
計竣事凡五閣月下臺上樓棟榭修葺登者神遊然而帑無銖  
如翼無暑稽民權而募工嬉而趨丁登登不日成之是嚴無  
捐農也或問涇川王子曰具形者偽存心者真奚刻之銘奚書  
之績也子問涇川王子曰具形者偽存心者真奚刻之銘奚書  
閣名玉子刻銘存識焉耳矣夫無形者心也入太廟而肅然  
者易忘有象者恆識也故不有過闕里而後動者象觸之也諸  
者乎夫肅然凜然者心也至闕里而動之心者乎於象觸之也諸  
生之業於覺也過之低垂繹沈闕義名不肖者過之慚畔厥  
攘臂奮興昧者過之低垂繹沈闕義名不肖者過之慚畔厥  
經忝爾青矜將面為之赤而行為之遠也若嚴乎何以知之  
以心者銘與紳哉或問嚴侯王子曰循吏哉嚴乎何以知之  
曰以尊經閣知之也故曰循吏哉嚴乎何以知之  
則茲閣之上梁日也侯偕王子登焉而椒士夫之遊淮上過椒也  
德侯

年久學圯

國朝順治六年知縣趙鼎立重修康熙閒知縣范開文藍學鑑玉  
作舟教諭施訓會訓導朱紱邑人金輝鼎馮清金鉞等相繼修  
葺雍正閒知州朱爾融知縣汪兆熊丁銘修乾隆四十二年邑

人許如蘭楊作霖王毅童國麟等倡升正殿基高三尺嘉慶十  
年知縣李名魁修道光三年知縣趙華林修五年邑人續修七  
年署知縣陳焄捐修兩廡同治中知縣徐模陳德明鄭孝銘金  
伯垣相繼修治并建兩廡崇聖祠大成坊

來安縣儒學在縣治東南宋崇甯初縣令魏淵博建於縣東北  
隅建炎後燬元至元三十年縣尹徐榮復於故址重建至正七  
年縣尹蔣居仁闢而新之元末燬於兵明洪武十四年建學宮  
於今地永樂元年知縣徐仕祿成化八年知縣趙禮十六年主  
簿張鎧知縣王馴正德三年知縣孫鎰嘉靖三年教諭李丹訓  
導林旺二十三年顧問相繼修葺三十六年知縣魏大用易櫺  
星門以石柱隆慶三年知縣劉正亨大興學宮闢青雲路建青  
雲樓萬曆十八年知縣鄭元輔重興廟宇西廡二十年教諭史

載道建尊經閣二十年教諭吳建節闢儒學道義二門崇禎開  
知縣袁翎重修

國朝康熙二十三年知縣喬嵩教諭朱端邑紳周蔚周濂武繩夏  
禹照孫如桂武遴瑁等大加修建殿廡門牆泮池以次濬築知  
州王賜魁助成之四十二年訓導徐袞重修雍正八年知縣伍  
斯瓊重修咸豐初兵燬同治四年知縣黃功儒次第修建惟明  
倫堂尊經閣及兩齋房尙未如制

和州

和州儒學在州治東南隅舊在橫江門外宋開禧中安撫耿與  
義重修元末燬於兵明洪武初遷州治東南隅參軍郭景祥知  
州張純誠重建永樂初吏目張良興改造明倫堂宣德中知州  
黃恕同知蘇紳董錫相繼修葺正德中知州孔公才建尊經閣

嘉靖初知州易鸞成之嘉靖十年制增啟聖祠建敬一亭貯六  
箴碑縣亦如之後判官王朝用改遷於百福寺萬曆二年知州

郭繼芳復遷故地建文峰塔於巽方焦竑為之記  
中流為水疆總江淮水陸之衝為姑孰金陵之蔽蓋南采石畫  
都而會也峰巒互峙西亭亭如圭然與高皇帝由滁陽  
拔和城跨有江東混一寰宇不五載而大業成焉迨今公若侯  
而戈講藝輒以興學於府且五百餘人皆和之產也高皇帝  
以來學宮湫隘弗稱天子先而和去京師不里乃二百年  
先後經營未有成績歲壬辰會侯至毅然以為己任凡百措  
務竟厥功於是故者飾闕者興士由是感奮於學不勸而力  
不日侯之有造於我也予學正李春茂訓導李一木馮三勸  
曙因相率而請記於予予惟國之建學將畜材以待用也然  
非文致太平武戡亂略惡得為材成周以三物造之醕備藝  
三德既已兼而有時出之嘗觀其論士慮囚於行世於醕備  
之優嬾又兼而有時出之嘗觀其論士慮囚於行世於醕備  
受成反而獻賦靡不於是則為教之備可知也近世士靡實  
為文者以呻吟佔畢自多談兵者以躍馬挽強為務其甚美  
自秦漢以下衰微絀塞空見於載籍之文而有莫或振起者  
重修安敬道志卷九十一學校志

其志其在記曰勇敢強有力者天下無事則用之於禮義天下  
有事則用之於戰勝戰勝則無敵禮義則順治順治則無敵此得  
士之效也國初首建義旗和之豪俊蒸然外也乃能勉於所難  
亦云盛矣至於嚮所稱三物者非索之外也乃能勉於所難  
而不能反求其所易則士風之剛勁果決者無乃不善用之邪  
蜀至僻遠文翁修起學宮於成都親自飭勵至經明行修比於  
齊魯況和為首善之地得曾侯焉興作誘進之異日者真材輩  
出施澤於堂皇之上服冕搢笏令庶安而姦宄息必自濟濟多  
矣詩曰明明魯侯克明其德既作泮宮淮夷攸服又曰濟濟多  
士克廣德心桓桓于征狄彼東南夫修泮宮而遠及於服淮夷  
狄東南以見文德武功非二道也故予述國初人材之盛以屬  
望於多士如此曾侯名克唯湖廣襄陽人其善政不可殫書而  
此其崇禎閒燬知州左煥復新之

國朝順治初知州盧汝鵠擇州同舊署益以廢衛之半改建新學  
即今址後復傾頽康熙中知州夏瑋捐俸倡修學正羊世澤董  
其成併新啟聖祠於尊經閣之東南同治五年知州游智開捐  
修兩廡名宦鄉賢兩祠及毓萃門

崇聖祠 名宦祠 鄉賢祠 忠義孝弟祠 節孝祠 縣學

含山縣儒學在縣城南宋崇甯初始建於崇儒坊東元至正初  
縣尹榮克讓重修元季燬於兵明洪武十四年知縣王均美訓  
導穆時中因歷陽縣學舊基重建永樂元年知縣戴彥則正統  
閒知縣許聰復修天順閒知縣蘇廉祿新戟門立饌堂成化閒  
知縣朱仲焮易櫺星門以石柱邑民朱清捐葺殿廡正德八年  
知縣祝宏舒經畫修葺接任知縣曾世英為擴學基十年署縣  
事周義嘉靖初知縣鄭慶馬崧各有修葺二十八年知縣葉繼  
善以城南安國寺基可建學遂遷焉即今地也萬歷元年知縣  
袁伯鑰二十七年知州郭繼芳知縣江輔重加修葺三十二年  
知縣龍為光重修明倫堂後建敬一亭櫺星門鑿泮池池南擴  
雲路四十年知縣鄒蓋創文昌閣建梅山塔築宮牆天啟元年  
知州應浙重修崇禎閒燬於兵知縣朱多鯤重修

國朝順治五年知縣朱長泰修築垣牆設木屏以辟官民轎馬十三年知縣黃甯加葺又建文峯水口爲塔七層康熙二年知縣范貞建尊經泮池石闌二十二年知縣周元宰二十六年知縣趙燦教諭林搏雲相繼修建三十九年擴雲路建騰蛟起鳳二坊四十年知縣杜學林教諭沈亮邑人張翰唐紘嚴翼捐資修建五十年邑人陶飈捐修啟聖祠雍正六年邑人張覺斯張同張平修理祠閣圍牆殿臺七年邑人唐紘等重修學後圍牆十年邑人唐焯顧琮重修甬道乾隆十三年知縣梁君棟重加修整丹堊一新

### 廣德州

廣德州儒學在州治東南宋天聖中司理參軍范仲淹建於州治北治平中知廣德軍錢公輔遷今地後燬於兵紹興初知廣

德軍洪興祠淳熙間知廣德軍趙希仁相繼重葺元時知廣德路偃文質擴而新之明洪武二年同知趙有慶重建廟廡堂齋咸備永樂九年知州楊瀚廓舊址鑿學河成化十年知州周瑛遷明倫堂築萬桂山十六年州判王璽修建宏治二年知州辛禮易民田爲泮池嘉靖十年制增啟聖祠建敬一亭貯六箴碑縣如之萬曆十五年知州陸長庚增鑿河之南繚垣曲檻名曰毓秀後知州段猷顯徧植桃李於上

國朝順治七年操撫李日芄兵備道袁仲魁捐俸重修至十一年學正黃如馨訓導凌質竣工康熙六年知州楊苞重修學正荆振董其事十五年知州高拱乾重修三十年知州毛渾學正盛彰訓導沈曾成三十七年知州李勳學正盛彰訓導張銓相繼重修四十年知州陳祥裔修泮池櫺星門雍正五年知州丁勺

曾學正胡伯炯訓導李生泌重修乾隆十四年知州曾尙增帥  
家相相繼重修四十二年知州石應璋學正朱裕觀重修殿廡  
五十二年知州穆通阿重建戟門

崇聖祠 名宦祠 鄉賢祠 忠義孝弟祠 節孝祠 縣學同

建平縣儒學在縣治東南宋初建於東門外河隄北岸屢經兵  
燹紹興中知軍洪興祖重建又圯於水淳熙二年縣尉趙善興  
又建慶元閒知縣葛探建正殿寶慶元年知縣章一璧建明倫  
堂創建齋舍元大德閒學燬明洪武三年知縣宋禮重建正統  
十年知縣李觀修葺宏治時隄決學廢正德十一年署縣事况  
照重修嘉靖末圯知縣林應彩遷於縣東南半里許規制未備  
知州鍾振知縣高常增葺之萬曆二十六年知縣朱之楫復遷  
隄北原所未幾水溢垣圯四十二年知州張嗣誠知縣向萼輝

仍遷城內即今地崇禎閒教諭鄧京里人史大典增建明末燬  
於兵

國朝順治六年諸生史象先捐修康熙四年知縣李景燦復建戟  
門櫺星門十七年知縣張顧行三十八年知縣茅成鳳繼修之  
雍正八年知縣衛廷璞重修櫺星門乾隆九年知縣韓履曾倡  
修殿宇門廡十一年知縣白福十四年知縣貢震相繼竣事三  
十四年知縣王惟一重修邑人岑紹芳捐濬泮池四十五年邑  
人岑玉成等捐砌照牆於櫺星門外又勸輸建泮橋三規制始  
備道光五年知縣王仲澍重建大成坊並立左右二坊改泮池  
以關青雲路即以城河為泮對岸建塔為文筆規模一新同治  
閒重建崇聖祠明倫堂

六安州

六安州儒學在州治東北古儒林岡學肇於宋紹興年間六安

令陸子虞始立新學葉適為之記六安皋陶故國亡後四百餘

漢畔楚再王其地孔子敘書列古聖人堯舜禹皋陶四人而已

余嘗疑堯舜既垂治法而知人安民尚猶難之則使後世何以

取中焉夫盡其正哉然而以明遇事成理而於性無所失豈非聖人

離於身蓋其理謬其德薄而非天下之材矣今也將合天下而

立常道則慮無聖人者嗚乎堯舜之難不其然乎自皋陶開天

德之品與九德之教以成天下之材非天下無聖人之患而患

無是質與材也果誠有之遠若使親因之勿廢也

采事也競勸爾故教德之方為多續短為長其家邦也各又爾其

天下以多材禹湯遵之至於成周不然則有偏無救終為天之

棄德而堯舜之難常在也至後世之學乃以充備盛德為聖人

廢其材更其質一施天下之智愚賢不肖必至於道而後用之

是而與皋陶異指耶將後世固美於教而皋陶未之及耶余

不得而知也及英布奮一夫雄狡事至微末則自司馬遷以下

皆喜稱之道之升降又重可歎也會稽陸子虞為六安令新立

學諸生來請記余嘗以公事自巢父許由所居北行松淮望頽

水西入梅林沙窩百餘里中山四合如攢綺繡南下勒舒所謂

四五祖潛天柱峯信乎名山哉或言六安山谷尤深余思泉附

氏欲至其處不可得夫九德者皋陶所以教學之所以始也故

書遺陸君使刻於石紹興五年二月嗣重建於元大德四年學正成大用至元間

知州王大有增其未備按江南通志六安州志均云學創建於

之有學不元始矣明洪武三年知縣薛敬重建王成繼之規制乃備永

樂閒知州陸瑜宣德閒游壁景泰閒何勝成化閒包宏益宏治

閒金山正德閒李衮相繼增修嘉靖初知州徐璿一律更新之

十年制增啟聖祠建敬一亭貯六箴碑各縣如之後知州邵惠

久州同張宿鄧向榮修明倫堂歐陽德開泮池唐可封建門外

石坊萬厯閒知州楊際會李懋檜州同劉垓先後修治明季燬

於兵

國朝順治三年安廬道趙振業捐俸屬學正涂廷楹勸州紳加葺

殿廡及明倫堂康熙三年學正劉炎倡諸生重修十一年學正

王御修戟門二十一年知州陳恭捐俸重建兩廡學正孫謙訓

導光宏賁勸輸重建學門修整官舍三十年學正朱廷容倡修  
邑人魏世忠董其事三十四年知州王廷曾修露臺戟門濟泮  
池四十九年知州張燦重修正殿明倫堂雍正八年學正吳雲  
珖重修兩廡乾隆十三年知州金宏勳勸輸重修二十二年知  
州邵大業重修明倫堂三十一年知州張肇揚重修殿廡崇聖  
祠戟門及名宦鄉賢忠義節孝各祠五十七年知州福明嘉慶  
十年署知州高廷瑤重修道光二年訓導吳鳴鏞改建學署咸  
豐初學燬同治三年知州曹光漢次第重建惟明倫堂尙未如  
制

崇聖祠

名宦祠

鄉賢祠

忠義孝弟祠

節孝祠

各縣學同

英山縣儒學在縣治北門雞鳴山舊在縣治西北元至元間縣  
尹段朝立創建後燬於兵明洪武初知縣朱陵重建九年隋斌

踵成之宣德末知縣賀完宏治開郭郭正德開黃流相繼重修  
嘉靖八年葉邦榮遷學於縣治東三十四年李鳳復遷於西隆  
慶開知縣葉世行教諭漆星增葺天啟三年知縣楊世祿改遷  
於北門外崇禎四年署縣事丁立表復改建於縣治北

國朝順治十一年知縣王兆元復遷於縣治西康熙十一年知縣  
陳震先李澍修葺二十三年知縣劉玉璫教諭周璠訓導甯擢  
重修四十年知縣林弼教諭吳之騷復改遷於北門雞鳴山前  
卽今址以舊學宮爲文昌祠雍正七年知縣趙宗奭建櫺星門  
雲路坊修泮池乾隆十一年知縣董良弼於明倫堂左右添建  
房十三間教諭陳益於櫺星門外添設圍牆建東西門先後添  
建兩學署同治間知縣徐玉珂率邑人修葺宮牆雲路坊  
霍山縣儒學在縣治東明宏治八年知縣崔中創立吳霖相繼

營建正德時知縣王坊重加規畫十三年知縣歐紹說嘉靖二十三年州判林應麟同邑人王榜重修萬曆十六年知縣陳維翰遷於河北三十九年知縣黃守經復遷舊址卽今地四十六年知縣羅廷幃建文昌閣於巽隅明季圯

國朝順治十年邑人共議修復知縣樂魁元重建廟堂樓閣廊廡門坊俱備濬學西城河二百餘丈以通水派學宮外泮周一十五畝曰躍龍池雍正七年知縣徐天德重修乾隆元年知縣陳瑞修五十四年知縣王紹元重修改建戟門嘉慶間教諭阮學溥生員蕭潤嵐余鴻瑤監生余鴻瑒余志剛相繼修葺道光十六年知縣許道藩重修咸豐初兵燬同治六年知縣彭廣鍾倡修未竟

泗州

泗州儒學在州治東舊在州治西元至治中州守李守中因舊址創建明永樂中重修成化十七年知州言芳改建知州婁鑑踵成之正德末知州汪應軫大加修葺嘉靖十年制增啟聖祠建敬一亭貯六箴碑縣如之萬曆二十二年潁州道李驥千捐修殿廡齋祠墀廊門牆構造一新

國朝順治六年大水學宮半圯十一年尊經閣災康熙十一年雷震櫺星門十八年又水二十二年知州莫之翰改建新學泗隄前後皆培土築之二十四年州城湮於水寄治盱眙縣復改建於龜山之麓乾隆四十二年裁虹縣遷泗州治今之州學實舊虹縣學也在今州治東明洪武三年知縣樂徽建正統七年知縣何誠遷於察院東萬曆二十八年知縣任愚遷於舊址之東後知縣伍元正張鳳翼相繼修繕



國朝康熙十二年鳳陽府知府章欽文知縣龔起翬捐俸大修十六年知縣彭翼宸二十五年教諭梁浩之重修二十九年呂清捐俸重建尊經閣乾隆四十一年知縣金尚清經始重修四十二年改爲泗州學知州劉作垣竟其功嘉慶九年知州顧浩重修學正白尚質訓導包達源司其事殿廡門垣煥然一新

崇聖祠 名宦祠 鄉賢祠 忠義孝弟祠 節孝祠 各縣學同

盱眙縣儒學在縣治第一山之陽舊在慈氏山之麓建於宋高宗紹興十三年至三十三年燬於兵再建於孝宗之乾道燬於甯宗開禧之兵燼嘉定七年徙縣治於山城十二年徙學於玻璃門內明洪武三年知縣林庭蘭仍闢舊址五年縣丞楊英重建嗣後城廢風氣洩露嘉靖四十一年巡按羅元楨選勝杏花園捐金創基萬曆八年督學李時成改遷今地以後屢加修葺

國朝康熙二年知縣李時茂修之十六年教諭馬士芳重修二十四年知縣胡應麟建尊經閣移築泮池四十八年署縣事胡隆署學事方世宏重修正殿六十一年教諭韓履曾訓導吳鳳翔重修崇聖祠及兩廡乾隆八年知縣葉本郭起元倡捐重修道光二十五年教諭吳臻福訓導夏翼朝集眾增修同治二年邑紳吳棠一律修建

天長縣儒學在縣治東隅元時始建後燬於兵明洪武四年縣丞嚴植建於縣前十五年知縣劉道源遷於縣城東隅正統後知縣周安王哲鄭仁憲教諭吾翁知縣胡大有邵時敏楊子龍先後修葺萬曆二十四年知縣徐文光遷於南倉三十年教諭陳以姬以形家言復遷於故址卽今地崇禎元年漸就傾圮知縣臧太初教諭鄺昭重建明倫堂修正殿兩廡

重修安徽通志卷九十一  
國朝康熙三年知縣江映鯤教諭張希哲訓導呂光盛重修五十二年知縣潘兆遴重修

五河縣儒學在縣治西舊在縣治東元至大閒徙縣治西北明洪武三年修建嘉靖閒河溢傾圮十五年知縣蕭文明遷於滄河北天啟七年知縣陳善學又遷於滄河之濱崇禎十六年知縣王師保又遷於城西鳴鳳岡卽今地並建文峯塔

國朝康熙十一年知縣李雲景重修明倫堂尊經閣二十二年知縣鄭勳教諭周世賢捐資修葺乾隆五十八年知縣劉道光教諭言尚煒訓導張家麟暨邑人捐輸重修殿廡門楹一律新整咸豐初兵燬同治五年知縣裴峻德於廟東建屋十餘閒暫爲祭祀之所

重修安徽通志卷九十二

學校志

書院 義學附

古講學之地無書院名名之立自唐始麗正蓬萊石鼓是也唐書院有使無山長名名之立自元始延祐二年詔會試下第舉人授以教授山長學正是也

國朝

列聖右文日期天下士以會友輔仁之道旣於各省會賜帑千金又

申命督撫籌畫膏火又恐日久滋弊

訓誡綦嚴凡以書院輔學校而行其能造就人材尤爲廣被安徽當吳楚之交有事輒先受兵而軍興十年斯文未墜今大江南北之

家絃戶誦敬業樂羣豈非以涵濡

聖澤彌久彌深有所感發而興起之耶述學校志書院

安慶府敬敷書院在府儒學內

文廟明倫堂東

國朝順治九年操江巡撫李日芃創建顏曰培原康熙十年巡撫

靳輔飭知府姚琅興復以教授莊名弼課士其中靳輔為之記

書院之設何昉乎蓋不忘乎洙泗之意而宗仰之不衰也然歷  
稽往牒創不一其人建不一其地於以一道同風扶進學業莫  
不有賴而豫章為最著蓋文成事業在天壤文章本理學而最  
有功於道統者則莫如提倡良知二字夫知或由於生或由於  
困或由於學而其終則歸功於格致乃格物一子而言誠莫  
所補之章先儒猶有徹則徹下之論則繼夫子而言誠莫  
如子與氏之言良知為最當矣雖然大學一書言誠言正言明  
德中庸一書言率性言盡性言擇善非皆求知之良乎非皆同  
功而一貫乎何以子與氏獨尊良知而文成公獨提倡之也書  
云惟天地萬物父母惟人萬物之靈命之謂性率性之謂道  
也若何孝則聞者必徵於色發於聲而喜某為忠臣孝子也又

語之曰某也若何不忠某也若何不孝則聞者又必徵於色發  
於聲而怒其不忠不孝也夫聞忠孝而喜聞不忠不孝而怒皆  
知也皆知之最良者也其意亦莫不至也推此知而一貫無不  
推此知而家國天下亦莫不齊治平也古人之云不忘君謂之  
臣不忘世不即就道謂之大儒亦皆謂知之不容已也昔劉元城  
登進士不即就道謂之大儒亦皆謂知之不容已也昔劉元城  
物進士不即就道謂之大儒亦皆謂知之不容已也昔劉元城  
良惟良必實耳皖城東舊有書院是操撫李君培原所起也凡  
講堂齋舍門廡號房規制亦宏整乃沿習既久曠廢不振予自  
下車以來每恐不能體朝廷興賢育才之意爰於簿籍之暇  
召集生徒月有課然有講告之際每勵師儒以倫常不舉於  
驥乎文會輔仁矣然有講告之際每勵師儒以倫常不舉於  
義而推原於誠意正心以引發其良知爰更著其說以示多士  
則雖謂廣其說於天下而獨先伸二十年巡撫徐國相二十三  
年巡撫薛柱斗先後增修集郡邑生講學四十八年巡撫葉九  
思重修改曰修永書院雍正七年知府徐士林重修禮讓堂及  
東首齋舍九間復集諸生肄業十年奉

旨建立書院大加葺治前建碑亭中為禮讓堂左右增置號舍

賜帑金一千兩置腴田一百一十一畝益以歷任撫按捐置各屬學田

共計三十五頃六十畝有奇額租穀麥一千七百一十五石有

奇額銀一百四十八兩有奇悉歸書院為膏火資又知府徐士

林於升任時捐銀六十兩懷甯知縣李元祥為置民田額租穀

一十一石地課一兩六錢併佐書院膏火之資徐本為之記

我春 皇上繼天立極文德誕敷聲教暨訖無遠弗屆癸丑

命督撫籌畫支給 又念士子敬業樂羣膏火之資不繼

聞風慕義爭自濯磨甚盛典也本奉 命來撫上江恭承

田一百一十畝即懷令其數傷院守懷令備置附郭膏腴

久遠皖城舊有書院在府洋之左面江流枕龍嶽實據一城之

勝於是親為相度形勢門庶齋堂左右各七楹為號舍東西各九楹

葺治棟宇樸斲垣墉塗茨堂左右各七楹為號舍東西各九楹

為六齋又於堂東隙地增改號數十間寬敞可容百餘人按

江歷任撫按嘗捐置各屬學田共計三百四十八兩有奇向

租穀麥一千七百一十五石有奇額銀三百四十八兩有奇

為賑恤貧士之需而實飽吏胥之腹本蒞任後畢力清釐杜其

溢濫賑恤貧士之外餘俱飭貯郡庫修葺書院治辦器具皆取

給焉歲之所入自雍正十一年始悉歸書院以佐膏火之不足

之相與講明實學以上答 聖天子興行禮讓械模作人

之雅化焉自昔書院之制以石鼓嶽麓白鹿雎陽四者為盛蓋

當時庠序之教未修士之因擇地為羣居講習之所朝廷略一崇

獎之而已今天下學校之盛敦厲名實禮陶樂淑猶荷 知

殊恩加意於此為之養其德性閑其身心恤其口體日用吾知

風氣之隆聖人於此為之盛必有極乎前古之制物料工價之由俾後之有

事於斯則云乾隆年間改今名道光二年巡撫陶澍率屬捐廉

置桐邑新生洲一所歲課銀八百兩由桐城縣解送承為膏火

之資附 新生洲改名崇文洲公牘 桐城之埽帚溝保新生洲官

惟由縣派官佃承管每歲繳租息銀九百兩於縣批解司庫報

部撥用然洲民數百戶皆仰食於洲往官佃以一人之力不

能駕馭反為所制至有傾家蕩產而許訟無休者公私兩損多

紳士翰林張萬年等集資公買每收租息以充桐城敬書院亦

膏火之用旋據署懷甯縣知縣朱士達稟稱省城敬書院亦

自倡捐共得銀二千餘兩合之廖大間及桐神所捐銀為四千  
 餘兩批解司庫改洲名為崇文報部時桐城正在派佃之際適  
 佃之能亦在洲戶之與否以官佃管洲不如佃之多用洲戶承  
 之為善也因自往洲將洲分派與各洲戶分領耕種而注其  
 姓名於冊每歲按冊收息以充書院膏火之用又以歲繳銀九  
 百兩為數較少勸令加增各洲戶皆樂輸膏火以一千文解  
 千文於縣以一千文留縣充培文書院膏火以一千文解  
 省充敬敷書院膏火各洲戶等又謂於桐城有桑梓之誼且承  
 買官洲各項公用並非各州縣捐廉所出皆桐紳捐資也願於  
 二千文之外又每歲另繳大錢一百六十文充培文書院  
 諸生花紅之用值廖大間卸事後任照案詳准今桐城於每歲  
 解銀八百兩入省充敬敷書院膏火三年兵燬同治初總督曾  
 國藩移建近聖街後岡月提釐局徵收銀為諸生膏火之費光  
 緒元年署布政司孫衣言詳請巡撫裕祿命有司大加修建可  
 容生徒百數十人又倡捐書籍存院以便誦習

容生徒百數十人又倡捐書籍存院以便誦習

附書目

部十三經古注  
 詩經彙纂春秋彙纂禮記義疏周官義疏儀禮義疏通志堂經  
 翼十一經四書或問四書反身錄易說醒儀禮正義呂氏四禮  
 解夏小正集說經傳釋詞各一部大學衍義中庸衍義左傳讀

本春秋屬辭孝經大戴禮補注禮記集解經籍纂詁呂氏讀詩  
 記各二部資治通鑑續資治通鑑各五部  
 北史新舊唐書周書齊書梁書陳書魏書北齊書周書南史  
 文廟通政韓柳年譜朱子則例國朝先正事略鄉賢祀典徵實  
 戰國策去毒校刊年譜朱子則例國朝先正事略鄉賢祀典徵實  
 例邊防備覽苗防備覽洋防備覽郡國利病書各一部  
 聖諭直解國策國語史記前漢書後漢書儀禮儀禮正義呂氏四禮  
 本末綱目三編通鑑紀事本末綱鑑正史約編史鑑節要明紀事  
 圖譜朱子年譜百將圖傳勝朝殉難錄稽古錄史鑑節要明紀事  
 三書律例便覽處分則例直省釋奠禮樂記文廟六條實錄牧  
 合書牧民忠告五軍道里表三流道里表兩淮鹽法志淮南鹽  
 法紀略江蘇省例吳地記吳郡圖經續記廣陵通志揚州水道  
 記史姓韻編二十四孝圖說各二部國志明紀名臣言行錄  
 各四部  
 氏族表各三部  
 小學集注事類統編文韻府廣韻匯編說文管見老章義隨筆  
 釋隸續司馬溫公家範王念孫讀書記何三容齋隨筆  
 五十四種叢書孫吳司馬法困學紀聞二程全書程氏性理字  
 訓朱子格言吾學錄小知錄子規儒門法語述學程氏性理字  
 辨正少儀外傳割圖密率算學啟蒙松陽講義童蒙韻語分年  
 偶筆李氏五種各二部學校志書院

日程各三部小學纂注小學集解近思錄各四部  
古文淵鑑楚詞古今詩選唐人萬首絕句選歐陽文忠集陳陸  
二先生集羅山遺集湯文正集鄧陽集平齋集有恆心齋聯體  
文五石瓠齋稿廣英堂稿曹集詮評各一部朱子大全集韓昌  
黎集韓集點勘陸清獻治嘉格言蒞嘉遺蹟黃山谷詩集陸子  
全書周文忠尺牘葉水心集劉給諫集劉左史集拙修集倭文  
端集古文辭類纂南宋雜事詩金源紀事詩十國宮詞二三家  
宮詞培遠堂手札題襟館集孫耕遠築圻圖說揚州畫舫錄江  
漢課裁各二部司馬溫公書儀楊忠愍集張楊園集曾文  
正集李氏音鑿古文詞略各三部文選薛季宣集各四部

乾隆三年議准查各學政舉薦書院優生到部其作何獎勵之  
處向來未有成例今據安徽學政鄭江將敬敷書院內生員陶  
敬信江有龍二名舉薦具題應照學政彙題通省優生之例廩  
增生准作歲貢附生准作監生俱到監肄業等因奉

旨依議陶敬信江有龍仍著送部引見

青陽書院在懷甯縣余忠宣公廟內祀元余闕昔忠宣戰守之  
暇率諸生講性命之學戰士擐甲以聽故建今廟猶存

二良書院在府治東明嘉靖時知府胡纘宗以漢文翁朱邑皆  
有功於皖創書院以祀之使諸生讀書其中今圯

近思書院在府治北明知府胡纘宗建奉周程張朱五子使有  
志性理之學者肄習其中中為聚奎堂前為主敬堂旁有書舍  
崇禎閒巡按田惟善檄府重修今廢

龍山書院在府治北明嘉靖三十二年知府李遜同知郭璽卽  
社學舊址建有正義正德修業退省四堂左右號舍學舍今圯  
山谷書院在懷甯縣儒學前藩署之東明知府胡纘宗撤佑聖  
觀之西僧菴為之中為山谷祠左為德星堂旁為書舍後燬於  
兵

國朝順治九年山谷後裔推官黃敬璣重建今廢

桐城縣毓秀書院在縣治儒學南乾隆年間邑人甘肅撫甯縣

知縣張若瀛建成豐三年兵燬

培文書院在縣治北門內後街嘉慶二十五年知縣李文楷闢  
邑紳士建咸豐三年兵燬同治初移建里仁巷

桐溪書院在縣治西北隅明嘉靖閒知府胡纘宗知縣沈教移  
靈泉寺於西以其地建書院祀周程張朱五子使諸生有志學  
道者知所觀法後知縣鄭濤易太霞宮為書院嗣因錢尙書葬  
其處邑人呼為錢家書院今廢

桐陽書院在縣東郭外明萬曆年閒知縣王廷試建今廢

天城書院在縣西雙港鋪

白鶴書院在縣南樅陽鎮咸豐三年兵燬同治七年重建以下

桐鄉書院在縣東孔鎮道光二十年建成豐三年兵燬同治初  
買屋改建

樂豐書院在縣東湯家溝

潛山縣皖山書院在舒王臺上即天甯寺故址中為明誠堂東  
西皆為書舍明嘉靖閒知府胡纘宗知縣尹許巖建以程朱二  
子皆嘗至潛游酢黃榦皆有治績於潛遂撤寺建書院祀程朱  
以游黃配後復為天甯寺

三高書院在三高亭今廢

三元恭代書院在城內天甯寨右康熙三年知縣常大忠本於  
城內創建嘉慶初移置北門外小河沿二十年知縣朱炳南復  
移建今址改名潛嶽今借為儒學署新

太湖縣熙湖書院在縣西北二里乾隆三十年知縣吳易峯同  
邑紳創建有會文堂麗澤堂景賢祠文昌閣攀桂樓同春靜觀  
二亭歲久傾圮五十五年知縣余心暢率紳士改建於城內范

鐵巷中爲會文堂東爲廳堂左右書舍各二前有對廳旁廳東有廂屋三間咸豐四年兵燬

同春書院在東門外明知縣羅汝芳建後廢

正學書院在儒學前明知縣蕭復陽爲羅汝芳建後廢

宿松縣松滋書院在縣署東乾隆十三年邑人縣丞石述通判

石山州同石之珍捐資公建中爲講堂旁列學舍二十二間

禹江書院在縣西北半里明知府李遜建今廢

望江縣雷陽書院在縣東郭外原名來仙康熙十九年知縣陳

沛祚建二十二年知縣伊燾重葺捐俸置田以供寒士之就學

者後知縣狄寬改今名今圮

慈湖書院王幼學讀書講道著綱目集覽於此後廢

附義學

安慶府義學在敬敷書院東操江巡撫李日芄建遴取生員教

里人子弟月給膳米五斗後巡撫靳輔每年增給穀三十六石

又增給鴨兒塘魚課康熙五十三年知府張楷復舉義學六處

每歲於額給學租外更給束修銀三十六兩

徽州府紫陽書院在府城外紫陽山麓自宋淳祐六年郡守韓

補始建於城南門外理宗賜額曰紫陽書院元至元間遷於南

門內改江東道院爲之延祐二年又遷於南門外故址之左後

燬於兵明洪武初邑人重建於歙縣學右成宏正嘉閒知府王

勤彭澤熊桂知縣林騰蛟戴東閔先後修葺然歷年既久僅存

朱子像而已紫陽山麓之書院則正德時知府張芹創建嘉靖

閒知府何東序修葺集七學之士講讀其中附汪道昆記郡中

紫陽書院事徽國文公其地屢遷遞有興廢其一在縣儒學之  
右文公裳衣在焉建自國初西向成化庚子郡丞張公改而南



向面紫陽山正德王申郡守熊公遷廢寺以廓形勝增置堂廡  
齋舍凡若干楹為臺為池莫不備具乃簡七校之士講業其中  
一時人文益斌斌矣歲久就圯迄今垂五十年嘉靖丙寅縣大  
夫林公由進士領縣事始謁祠下周視而歎曰元立闢人也閩  
之組豆文公者至盛矣此文公父母之國而歎曰元立闢人也  
何乃鳩工材其舊者成若更始復度臺前餘地增置講堂  
堂外為垣樹桃李若竹箭垣之南為亭奉世宗皇帝敬一箴堂  
之東為門揭宋理宗賜額與事自十一月至於正月其財用出  
公帑若干緡工不告勞民不知役都人莫不欣焉喜也文學  
徐君來告成屬道昆勒石紀之在台甲有司主率廟祀先師博  
士諸生咸在學舍法久寢廢學舍曠而不居當事則又崇祀其  
鄉先生為之尸祝而誘之進魯人之陟岱必先東山吳人之涉  
滄溟必先震澤其觀法也近則其用力也專且國之賢猶農  
之樹稼一夫而受十畝歲入幾何第令程而相士之宜其穫  
過當乃今養士日廣視疇昔且必倍之始必程而督而後行日  
暇給及既釋業而仕緩急將有賴焉卒然試之其所養或非所  
何以故則失養而仕緩急將有賴焉卒然試之其所養或非所  
諸文公以經術明聖人之道若揭日月而行世儒斤斤猶或求  
多於訓詁要以篤論士舍文公奚適哉使徒故其遺書至今誦  
弗絕當世以經術論士舍文公奚適哉使徒故其遺書至今誦  
資直優孟之抵掌耳尚安事養必也躬行爲本出入不倍所聞  
是則文公之徒也都人士後文公而興觀法不遠即有事於海  
岱夫非東山震澤之類與今天子政元士蒸蒸嚮用視文公尼  
於有宋何論逕庭都人士資適逢時顧自養何如耳語曰良田

無晚歲膏澤多豐年此縣大夫意也道昆不佞敬為都人士申之

國朝順治間知府祖建衡重修康熙九年知府曹鼎望集諸生講學於此一時稱盛二十二年郡人祭酒吳苑疏請恭摹

御書賜朱子闕里學達性天扁額懸於書院同治開一律修整

斗山書院在府治東斗山之巔明湛若水曾講學於此嘉靖十

年知府馮世雍葺為精舍萬曆間改為書院

國朝順治間燬康熙九年知府曹鼎望重建今廢

師山書院在府城西十里元鄭玉構精舍於師山有三樂堂極

高明軒著春秋闕疑於其中後人因之為書院

歙縣南山書院在巖鎮南山之麓明嘉靖中烏程姚舜牧寓山

中著書學者從之因創書院

國朝康熙二十一年里人於故址重建每歲三月聚此講學今廢

休甯縣海陽書院在石羊圩東山之麓崇禎八年知縣王佐卽  
縣前街西南之良安驛舊址爲之名海陽書院十六年改稱瞻  
雲

國朝康熙二十九年知縣廖騰燿重修後燬乾隆十六年知縣萬  
世齡倡輸建書院於街北仍名海陽四十年置田以增膏火嘉  
慶十二年闔邑輸資移建石羊圩東山之麓咸豐初兵燬同治  
五年知縣吳繼志購置城南民房改立  
還古書院在古城萬安山依山疊石而成明萬曆二十年知縣  
祝世祿始建給事中邵庶成之天啟閒羣璫盡毀天下書院遂  
廢崇禎初復故

國朝順治十年邑人趙吉士捐資重修集士子講習其中康熙中  
知縣廖騰燿復興之祀朱子於書院之歸仁堂三十九年邑人

趙景從捐修乾隆三年邑人趙淇濱等二十八年邑人黃廷松  
五十七年邑人汪樾嘉慶十八年邑人相繼捐修咸豐五年兵  
燬

婺源縣紫陽書院在縣治後保安山元至元二十四年知州汪  
元圭創書院於儒學側額曰晦菴書院延祐初災後至元閒再  
建於縣學之東北至正閒兵燬明嘉靖九年知縣曾怵改建於  
縣治後山上更名曰紫陽書院後知縣鄭國賓張檟相繼置田  
爲講學會文之費萬曆閒知縣馮時來重修監生程亨嘉輸助  
不十年而圯

國朝康熙三十六年知縣張綬重建祠爲義塾地後圯乾隆二十  
一年知縣陳士元重建祠三十三年知縣言朝楫造正廳書舍  
廊房揭紫陽書院於門嘉慶九年知縣丁應鑾集邑紳捐資新

重修安海通志 卷九十二 九

建增堂房號舍咸豐初兵燬同治五年後次第重建  
明經書院在考川元至大閒里人胡浚建知州黃惟中聘胡炳  
文主教事請於朝賜額置山長一員至正時燬於兵明成化閒  
重建後圯萬歷閒重建今圯

闔山書院在闔山元至正閒行樞密院判汪同建聘趙汭為師  
以教鄉之俊秀者今圯

天衢書院在北鄉明翰林學士詹同講學於此同治三年燬五  
年詹姓重建以下  
新增

湖山書院在太白司前道光十二年建

教忠書院在北鄉環溪咸豐九年建

崇報書院在縣治東同治二年建

福山書院在雲中

青雲書院在西鄉引溪

祁門縣東山書院在秀墩街明正德末知府畱志淑因東嶽廟  
基為書院以祀朱子集諸生講肄後災嘉靖閒知縣陳光華重  
建更名曰環谷書院後知縣尤烈修而廣之仍為東山書院咸  
豐初兵燬同治二年知縣劉端重建

黟縣碧陽書院在迎靄門外橫岡明嘉靖四十二年知縣謝廷  
傑捐建在縣治南本舊儒學基以地在碧山之陽故名崇禎閒  
重建

國朝乾隆年間知縣孫維龍以儒學復移城南議於迎靄門外坎  
裏建橫岡書院議不果成嘉慶十三年知縣吳甸華相度改建  
書院惟橫岡地吉遂建碧陽書院於此中祀朱子後為尊道堂  
左右六堂曰觀善致知敬義誠意正心修身十六年落成

續溪縣潁濱書院在新西街明嘉靖年間知縣趙春建今圮

東園書院在縣治東明參政胡有明建以課一族子弟以下新增

東山書院在縣東門外里許

敬業書院湯公書院俱在縣西今燬

濂溪書院在縣治西道光二十三年邑人周姓公建

桂枝書院在八都宅垣里人胡道榮倡議重修

附義學

黟縣義學在一都大寬段名霽門書屋嘉慶九年一都眾姓公建爲子弟肄業之所

甯國府敬亭書院在府治文昌臺左初名待學書院明萬曆十七年知府廖恆吉知縣陳公相建二十六年知縣尹三聘重修改爲正學書院崇禎間知府徐大儀倡捐重修

國朝康熙十一年訓導姚士重修葺五十一年知府佟賦偉卽其

地更新之雍正五年知府黃叔琪重修乾隆八年改今名十七

年知府宋敦知縣費中學三十一年知府狄咏篋相繼重修

涇縣水西書院在水西寶勝寺右明嘉靖壬子督學御史黃洪

昆知府劉起宗知縣邱時庸建

國朝順治初知縣銀文燦重建熙光樓康熙十六年知縣鄧琪增

置館舍雍正元年邑人貢生趙瀄重修乾隆十九年知縣王廷

棟重建卽止堂三十一年重建大門今燬未建

雲龍書院在縣東二十里台泉山明嘉靖間歛許國講學於此

後圮

國朝邑貢生趙廷揮重建歲久復廢乾隆三十七年知縣江恂倡

捐率邑人重建今燬

涇川書院道光十一年知縣趙仁基建今廢新

三隅書院同治四年邑人左鄭兩姓合建

南陵縣籍山書院在縣治東北因山為石臺明萬曆中知縣沈

堯中建

國朝康熙八年知縣屈升瀛重修今為縣丞署

甯國縣西津書院初為鳳山書院一名明德在縣學射圃前明

正德中知縣王時正建嘉靖萬曆間知縣胡子亞徐一櫝重修  
後圯

國朝康熙十六年知縣馬光重建於西津橋東澣是為西津書院  
制度軒敞設理學先儒位置田為學者膏火之資後知縣陳主  
策增置田助之咸豐十年兵燬同治間知縣蔡鐸徐玉珂相繼  
興復

志學書院在府治北景德寺後明嘉靖四十三年提學耿定向

知府羅汝芳推官李惟觀建有會講堂左右號舍四十楹書院

西為宛陵精舍嘉靖四十三年知縣姜台建今並廢

旌德縣旌陽書院在小東門內乾隆二年知縣紀咸以兵備道

舊署為之道光十六年邑紳朱琳捐修又輸田六百畝入院易

名鳧山

毓文書院在下洋溪邑人譚子文建置田百七十畝生息銀四

千兩同治五年水圯

太平縣天都書院在縣治南明嘉靖中知縣邱振省開福寺建

名文峯書院後知縣劉元凱重修改名天都後圯萬曆五年知

縣張廷榜重建後又改為公館知縣潘應化重加修建明末復

圯

國朝順治八年知縣陳善政重建復為書院歲久傾圮乾隆二十七年知縣李峯倡捐新建改南向而東道光五年邑紳士倡捐更新廳房齋舍畢備凡六十餘間更名僊源書院咸豐初毀同治八年重修

附義學

涇縣義學在學宮左雍正初知縣李玫創置額曰三樂書院九年知縣劉幹重修改名義學歲久漸圮嘉慶間邑貢生朱璽重建

池州府齊山書院在府城南五里建於元時設山長主教事官城貢尚書師泰嘗為之後祀

繡春書院在府齊山即宋沈遼築雲巢處殿帥華岳曾讀書於此明狀元黃觀築翠微精舍正德十年知府何紹正即故址建

書院有聚奎堂置田以資膏火後同知任柱復置田益之萬曆

初移建陽春嶺下三十三年知縣羅憲凱復移建舊址後圮

儲材書院在府城西北城隍廟前明嘉靖二十年知府曾仲魁

建五經書院隆慶間知府尹士龍改為實學書院萬曆十六年

知府姚士觀改為儲材書院後圮

池陽書院在府學宮西南本常平倉址康熙二十年知府喻成

龍建集六邑諸生肄業其中置田七百餘畝以為供膳講誦極

盛後為憲使往來駐節之地矣附喻成龍記天下之所以宏道

垂風澤者惟此人才而已矣而儲才先於養士養士先於勤學

載考禮官天子辟雍諸侯澤宮以云學也下及鄉遂以三士三

大夫卿主之而書院之設所以與辟雍澤宮六鄉六遂相為贊

治者也百年以來鮮有修舉予惟慨然思所以儲才養士以開

一代之隆以豫國家之用則書院其始地也歷稽往牒自漢集

諸生於白虎觀講五經同異鄭元馬融及隋王通皆廣集生徒

共相授受然書院之名未立也鄭名之立自唐始開元初建麗正

書院以張說為使代宗作蓬萊殿舍以李泌為使憲宗創石鼓

待四方學者以李寬為使南唐昇元則嶽麓有建也太平興國  
 則鹿洞有建也嵩陽鶴山奏置院長建安麗澤掌以布衣而至  
 元之太極天歷之橫渠隆慶天啟之靈濟首善又班班可數也  
 於是鴻儒蔚興大業騁起猗云盛矣予縮組池陽有興教育才  
 之任簿書之暇率寮采進者碩訪入桂翠微遺阨湫隘曲側不  
 足當甲觀西山之選嗣於學宮西南有連廠舊基其地高廣軒  
 豁登而望之遠岫平臨清江環湖烟雲竹樹觸目琳瑯陟嶽降  
 原於茲為勝爰別榛莽畚砂礫測景植圭繪圖釐冊而後鳩工  
 庀材焉經始於辛酉七月之初竣於壬戌春王之吉緯垣百堵  
 丹雘千楹顏之曰池陽書院誌地也堂曰經治志業也曰敬學  
 志學也東西序列而庶周廓庖廩膏薪充庾盈室既次第就裁  
 區畫纖當因採備鴻文搜羅秘笈及六邑諸生升其孝秀英敏者  
 卷刊石紀編貯備觀覽徵郡學之相與修業砥行為國羽儀庶幾  
 讀書其中而以郡邑學博士之望古遙集也哉若云文翁之  
 師禮官遺意而於前賢詎不望古遙集也哉若云文翁之  
 倡化茂叔之講學以俟君子余方遜謝告不敏也是為記

青陽縣蓉城書院在儒學東舊在縣署東妙音寺側明萬曆四  
 年知縣蘇萬民建名蓉城會文館後改名蓉城書院久圯  
 國朝乾隆二十五年知縣孟承封仍舊額移建今阨廳事講堂齋  
 房咸備先是乾隆十八年邑監生江自珊於縣學東捐建義學

又輸田輸銀生息以供膏火三十二年知縣周震榮因邑紳請  
 遂以義學與書院合焉

銅陵縣五松書院即敬一亭舊基乾隆五年知縣王錫蕃興舉  
 義學邑人章雲遠捐資建學舍講堂集生童課藝其中今燬  
 石埭縣廣陽書院在縣治東郭外如來寺旁舊係社學在城隍  
 廟左明嘉靖二十年知府曾仲魁改建於縣南舊學後知府柯  
 實卿署額長林書院

國朝康熙十一年知縣姚子莊復於東郭外如來寺旁創數楹即  
 今阨閱久並圯乾隆二年知縣陶士僕重葺東郭外舊阨三十  
 六年邑人勸輸增修知縣周學元捐廉倡之改額廣陽書院今  
 燬

建德縣玉峯書院在儒學前五經書院在玉峯山前蘭臺書院

在縣北三十里今俱圯

研經書院在縣南同治六年知縣路岷就鷺臺山寺建

東流縣菊江書院在瞻極門內乾隆十二年知縣郭維建於西城內二十三年知縣蔣綬移建今址講學齋舍悉備嘉慶四年知縣韓藻建龍門於講堂前

太平府天門書院舊在大信鎮宋淳祐六年守臣陳墉建為淮士流寓者肄業之所置田以養之九年吳淵奏請賜額理宗親書天門書院以近天門山故名後馬光祖牟子才江萬里相繼修葺增濂溪明道伊川橫渠晦菴南軒東萊七賢祠元時漸廢至明遺址為鎮人所併萬曆二十二年知府顧汝學移建於城內青山書院故基而拓之有孚化堂書舍五十六楹明末圯廢國朝同治三年知縣趙光緒重建於塌橋鎮

采石書院在府城北二十里采石鎮元至元十四年宣慰使張宏範創建泰定閒郡守賈煥山長楊倨重建堂齋門亭庖庫至正閒廉訪使崔敬增修置田明宣德三年知府徐敬重修天啟閒置采石兵營以書院為江防行署後同知梁斗輝復改為振采書院

國朝康熙四十八年合鎮士民重修仍為采石書院

翠螺書院在府治西清源門內舊在采石太白樓後虞公祠側國朝雍正六年知府李暉建置田以給學者乾隆三十一年知府沈業富重修四十六年知府松齡移建今址五十四年知府陳守詒嘉慶二十三年知府張丕昌重修書院舊有小黃洲蘆課銀為山長膳修及諸生膏火丕昌復增置典息銀若干自是經費充裕道光中知府陳雲學政季芝昌知縣徐竑相繼捐修其



采石舊址僅存屋三楹為遊人歇息之地而已

丹陽書院在府東南八十里黃池鎮宋景定五年貢生劉某建

郡守朱禩孫聞於朝賜額丹陽書院從漢郡名也元至大中憲

使盧摯人匠提舉陳童置田六百畝以養多士附吳澄書院養

士記黃池鎮有書院舊矣自宋景定甲子貢士劉君肇建郡守

給其食厥後僧復取之書院遂無以養士至大戊申憲使盧公

議割天門書院之有餘以補不足令既出會公去不果如令人

匠提舉陳侯分司黃池暇日與羣士遊習知書院始末慨然與

懷移檄儒司儒司上之省日與羣士遊習知書院始末慨然與

初議俾天門書院歸田於丹陽以畝計凡四百侯猶以為未足

以瞻乃勸士之有田者數十家暨官之好義一二人各出力以

多所得之田以畝計凡二百噫丹陽書院之創垂五十年而教

養之闕餘十年今一旦有田六百畝盧公開其始陳侯成其終

盧公勉勵學校固其職也陳侯典治絲設色之工而用心儒教

有出於職分之外者尸祝越樽俎而治庖可乎唐風之詩曰職

思其居又曰職思其外夫居者其分也外者其餘也唐風思之

遠者也於職既盡其分而兼及其餘所思可謂遠也已陳侯有

焉侯所勸率隸匠籍者五之一隸儒籍者十之八此豈以氣勢

利善動而使從哉能得其心悅而樂助蓋有以也非才之優識

之定其孰能感人如是田之疆畝名數久則湮羣士請勸諸石

而陳侯之功尤不可泯春秋常事不書侯此舉非常也宜得書

若夫士既有以養必知所以學是不待余言也侯名童單州人

明天順閒改為公館

蕪湖縣求仁書院在縣治東南明萬曆中知縣廖同春建今廢

荆山書院在縣河南小荆山奎星閣前乾隆十二年修學時建

齋舍數椽為講習地

中江書院在縣河南蔡廟巷內乾隆三十年蕪湖道李世傑率

邑紳捐建

鳩江書院在縣城外河南同治二年巡道吳坤修建九年移建

城內巡道署東

龍門書院在縣南關外乾隆年間署縣事張異卿捐建

附鄉塾

義學

蕪湖縣又加鄉塾在縣治西本縣丞署缺裁道光十四年尙書  
當塗黃鉞暨邑紳黃恆等倡捐改建增  
繁昌縣義學康熙年間知縣梁延年建假尊經閣爲肄業地後  
置屋一所在縣治東大有倉後

廬州府廬陽書院在郡城東南康熙四十四年知府張純修創  
建名橫渠書院後改今名乾隆十五年知府趙瓚增建堂廡嘉  
慶五年知府張祥雲復改置正誼堂增取正課外課肄業生徒  
孝肅書院在府城南濠內香花墩明宏治閒知府宋鑑建以祀  
宋包拯嘉靖中御史楊瞻重修南岸建屋數楹以居其子孫今  
爲包公祠

合肥縣正學書院在縣學西明嘉靖閒督學耿定向建有敬一  
廣居大成三堂志伊學顏二軒今圮

廬江縣潛川書院在城內鐘鼓橋西街乾隆三十一年知縣李

天植率邑紳集費建成豐初兵燬同治中復建

水濂書院在縣南門外明嘉靖三十年知縣何汝璋教諭周以  
魯因池構亭繚垣築室聚徒講習其中今圮

毛公書院在縣東北七十里漢毛義讀書處明嘉靖五年知縣  
周良會因故址建書院今圮

楊林書院在白湖東七十里明嘉靖三十四年邑紳朱紱建聚  
族黨讀書院中今廢

舒城縣龍山書院在城南隅大街後乾隆三十八年知縣劉作  
垣建院內經費暨課士規條俱劉作垣所定今燬

桃溪書院在香社寺旁附貢生翟雲鵬建乾隆年間知縣徐紹  
鑑嘗講學於此今廢

龍眠書院在縣治東舒王祠之西宋李公麟龍眠山莊故址元至順中知縣變理溥化建揭傒斯有記今廢

崇文書院在縣治東知縣王朝瑞建今廢以下新增

文昌書院在城東南隅知縣劉作垣移龍眠書院西今燬

無為州芝山書院在後新街路東宋時建於紫芝山明萬曆中詔鬻書院地此山與焉知州事查志文贖隸儒學

國朝乾隆十八年知州汪屋二十年署知州張浩率州紳興建卽今卮堂廳齋舍悉備是年冬知州陳文言竣其事今圯

繡溪書院舊在縣城西街今遷建西城門左新增

巢縣巢湖書院在牛山舊為義學雍正十二年知縣朱謙建乾隆八年知縣華湘重修置田為延師課士之資

鳳陽府西山書院在曲陽門外明嘉靖十三年知縣謝廷舉巡

按張惟恕創建三十年知縣何立重修今廢

鳳臨書院在臨淮西關外康熙四十七年知縣王紘建捐俸延師課士初名啟蒙書院政餘卽親臨誨學者以為已切實工夫

諭以正衣冠尊瞻視二語言簡旨深人人可以自力聞風者自遠而至悉資膏火後知府吳同仁改名鳳臨書院乾隆二年廢

淮南書院在府治東南乾隆間知府楊毓健項樟相繼創建兵燹後知府寶衡增置廊房三間以下新增

臨淮書院在西壩兵毀後卽遺址改建袁公祠同治五年翰林侍講袁保恆購祠西地建復

懷遠縣真儒書院在縣署東北嘉慶十三年知縣郭翰屏勸輸興建十五年落成講堂學舍悉備二十一年知縣孫讓重修今廢

文昌書院在縣治西荆山之麓明嘉靖十三年建後廢

國朝康熙五十六年邑人李荃等復建雍正元年知縣唐暄重修今亦廢

定遠縣曲陽書院道光三年重修增新

壽州循理書院在城內大寺巷西明天啟二年學正黃士奇建明季廢

國朝乾隆二年知縣周之晉始復之十九年知縣吉祿重建講堂二十九年知縣沈丕欽重建大門三十二年知州張肇揚知縣亢愷增置田畝為經久計同治六年知州施照以充公田十餘頃入院添助膏火

鳳臺縣州來書院在壽州城內原設鳳臺縣治以下新增

宿州正誼書院在學宮東北乾隆五十一年知縣趙霖捐建名

培菁書院道光十二年知州周天爵捐修改今名

古睢書院在睢溪口道光七年同知賴以平建今廢

靈璧縣正學書院在城東南隅明知縣侯鍾建

國朝道光中知縣孫潤重修

潁州府西湖書院在府西湖之南宋皇祐元年歐陽修守潁愛西湖之勝建明嘉靖十四年兵備李宗樞判官呂景蒙卽遺阯重建後兵備陳洙孔天映繼成之中為四賢堂祀晏歐呂蘇四公前為露臺後為梧月柳風堂最後面湖為勝絕亭

國朝雍正十三年知府盧見曾重修增建學舍二十一間乾隆三年知府孫光祀加修

清潁書院在府東城金雞齋文昌閣下乾隆十二年知府王斂福以西湖書院距城稍遠移建於此為合郡士子肄業之所十

六年知縣王鑽分西院為阜陽士子肄業地日聚星學舍仍統於清穎書院今圯

阜陽縣聚星書院在縣治東韓家巷道光二十六年知縣姚元英捐建增新

穎上縣梧桐書院在城內金家巷修文坊乾隆九年邑監生王芹捐置十五年題額蔡津書院十六年知縣許晉督邑人重修十七年改為梧桐書院

霍邱縣翠峰書院在城南大街知縣劉吉丁文燦創建同治中知縣楊式榮陸鼎敷相繼修葺增新

亳州柳湖書院在城東南隅面城臨濠雍正六年邑人劉恩沛捐資建十二年知州盧見會題額柳湖書院堂曰育才道光元年咸豐十一年重修

培英書院在北門內菱家院道光元年知府楊國楨倡建中為題元堂左右為齋舍迤東為棗香館為山長憩息之所

渦陽縣義正書院同治六年知縣薛元啟建增新附巡撫英翰書院講堂跋余既為縣城碑記適書院講堂落成邑人士請為之道立則善人多書院之有講堂尊師而明道也軍興來官離厥與余久在兵間學殖荒落愧無足為諸生益獨念往時圍城中賊壘壓河候火明燭天地今諸生絃誦燕息之區皆昔日余與諸將吏裹創躍馬崎嶇血戰地也語曰百工居肆以成其事夫百工技藝皆有師況諸生出湯火之餘誦聖賢之籍則所以早夜孳孳師若弟相勉於善求無負乎賢令君之教當何如哉

太和縣壽山書院在城西北知縣丁文燦建嘉慶中廢增新文峯書院在城南隅道光二十八年知縣雷時夏教諭戴漢翔倡建增新

經鋤書院在縣北六十里增新

蒙城縣養正書院在水門街乾隆五十五年知縣劉士煌倡捐  
建後借爲考棚咸豐初兵燬同治八年修復

新養正書院在舊書院南道光十年知縣劉會建成豐五年兵  
燬同治八年知縣李炳濤重修增新

附義學

霍邱縣義學一在城內一在臨水鎮一在丁塔寺增新

蒙城縣義學一在城內一在東鄉增新

滁州豐山書院在州治東

全椒縣南譙書院在縣東南二里明嘉靖中給事戚賢建聚徒  
講學今圯

襄水書院乾隆中建咸豐四年公提經費募勇書院遂廢增新  
來安縣景濂書院在南門外明太僕周海門倡明理學士翕然

從之萬曆十六年知縣周之冕因建書院集諸生講習其中今

圯

建陽書院在縣署後今廢增新

江青書院在縣南相官集乾隆三十一年知縣韓夢周建今廢

和州峩峩書院在城西南隅峩峩嶺墩舊爲清風樓宋元祐中改

爲連雲觀明知州王登改建峩峩嶺書院爲生儒講學之所嘉靖

元年同知薛祖學改爲烈女祠十六年州判王朝用遷烈女祠

於城南重建書院

和陽書院在州北門康熙三十七年移建城東咸豐初兵毀知

州方翊元修復講堂

含山縣環峯書院在學宮東康熙十四年知縣劉祚全始建講

堂書舍規模宏敞十六年署縣事通判黃際會於書院之右復

重刊安徵通志卷九十一  
設義學爲塾師教讀館後因訓導無衙署假居遂爲傳舍咸豐  
四年兵毀

廣德州復初書院在州儒學西北舊爲元妙觀明嘉靖四年州  
判鄒守益徙觀於東郊卽其址建書院以訓多士上爲尊經閣  
下爲明善堂東西翼號舍各十一楹萬曆間知州方沆陸長庚  
段猷顯李得中相繼修葺後圯

愛蓮書院在儒學西本前明學正署基也

國朝乾隆四十七年知州石應璋以正誼書院近市湫隘因創建  
於此仍榜其門曰復初書院中爲明善堂後爲山長憩息之所  
前有池五十七年植蓮盛開因題今名咸豐初兵燬

建平縣聚奎書院舊曰卽溪書院在城北道光五年知縣王仲  
澍倡捐改建於城南易名曰聚奎講堂號舍齋廚畢備咸豐初

### 兵燬

六安州廣颺書院在州城北門內知州盧見會署知州史曾期  
知州王祖晉相繼勸輸創建乾隆八年竣事講堂號舍悉備十  
年署知州宋敏議資產置書籍延師課徒十二年知州金宏勳  
增膏火生息擴號舍十六年重修講堂今廢

龍津書院在州城武定門外一里舊爲龍王廟明嘉靖六年知  
州歐陽德改建爲格致書院後同知林華率諸生講習其中擴  
地得宋玉霄宮殘碑並硯石一片背鐫陳氏字乃仍舊字爲堂  
三間其前建廓然臺遠望數十里前爲講堂左右列號舍扁曰  
龍津精舍

國朝康熙五十三年知州張璘訪遺址重葺今廢

英山縣凌雲書院在儒學明倫堂之左舊在東門外雍正七年

知縣趙宗昺建乾隆五十八年知縣嚴克任移建今地

霍山縣衡山書院在縣前十字街乾隆二十年知縣張掄甲因舊義學倡助改建後以經費不敷未十年而廢三十七年邑人備買民房重葺延師訓課僅二年而復廢道光四年知縣朱士達勸諭復建並增置經費今廢

奎文書院知縣朱士達建

附義學

六安義學康熙二十九年邑人魏世忠捐北門內大街房延師以教民間無力讀書子弟後圯三十八年知州楊恢基學正吳羽翮改建於儒學之東今廢

英山縣德造義學在書院右今燬

泗州泗水書院在州城內順治十年知州宋德芬建後借備守

備官廨康熙十二年知州李德耀別立營房而復之後爲義塾今廢

夏邱書院在州治東卽舊虹縣興學書院康熙初知縣龔起翬建十六年知縣彭翼宸建文昌閣魁星閣乾隆三十五年教諭金朱楣於閣後添建房屋

盱眙縣敬一書院在第一山漢孔安國爲臨淮守創立名崇聖書院中有

先聖燕居殿今玻璃泉卽其遺址

國朝康熙四十年知縣周振舉修建山亭歲久廢於風雨乾隆九年知縣郭起元念古蹟就湮倡捐興建堂舍亭宇擴舊更新改額敬一聘師設教又捐金粟以給膏火道光中邑紳楊殿邦汪云任倡修咸豐間兵後燬同治初邑紳吳棠捐建



天長縣始興書院在縣治東明成化五年知縣易居仁建後為社學又改為公館今廢

同人書院在朱孝子祠東明邑人王心與門人吳恕等建後圯國朝順治初知縣李毓秀又於縣學西建之樓房廳堂園圃畢備今亦圯

石梁書院在縣治西邑人張潛智宅嘉慶二十年知縣劉珊捐俸以給膏火今廢

附義學

泗州義學在儒學節孝祠內乾隆五十一年知州葉蘭捐建

五河縣義學在縣城東大興集康熙三十三年知縣鄧玠建乾隆二十八年知縣羅金齊嘉慶三年知縣沈南春教諭言尙焯

相繼重修

重修安徽通志卷九十三

學校志

試院 考棚附

國初江南按試統置學使一人嗣因道途遼遠多士調赴不易乃分立安徽學政駐節當塗於是各府各直隸州皆營建試院以為學使按臨之所內惟廣德一州附試甯國而相距僅百餘里書劍往來亦至便也道光中

宣宗成皇帝又以壽州士人赴府應試頗有險阻

俯從撫學臣之請許於州治別立試院

深仁體卹幽隱靡遺今皖省雖經兵燹之餘而歷年來之鳩工庀材次第規復已莫不堂屋號舍廢墜畢舉古者澤宮造士先德行而後才藝則凡成人小子之試此院者尙其勛諸述學校志試院

安慶府試院舊在府治東本明察院遺址

國朝順治七年操江巡撫李日荒檄建東西文場大堂捲廳規制

畢備附李嵩陽記皖城自昔稱重鎮其山秀鬱其水瀟蕩其人  
書然以地介吳楚襟江流而蔽淮服曩昔多事輒先受兵亦形  
勢然也二紀以來干戈未戢順治六年大中丞培原李公自江  
上督師兼撫治所屬建闈是邦歷覽四封喟然曰此三分後所  
詢民隱得其利病無不為而去之勞來安集流離日還戶口日  
息既富日教翕然從風郡故有察院歲久墜壞公念諸生就試  
無地赴調為艱乃親營度鳩工葺治支柱邪傾垣墉塗茨孔曼  
且頌煥然改觀復闢餘趾為堂為軒廊廡高朗列凡八百如櫛  
如鱗濟濟多士因感生奮先是皖為用武之區學使者不至二  
十有餘載矣予自滁陽實始來此所歷泚蜀諸境荒遠闕寂俄  
見車馬絡繹輿衛甚眾則公所遺逸也反就館舍供具惟帳部  
署井井予因竊歎公之經營四方調變五緯宏鉅繼悉畢舉不  
遺類皆若是是可師法也已自是厥後皖之習俗丕變人文稱  
盛當且度越疇曩吾知百世而下猶拜公之賜豈特一時多士  
式歌且舞哉以庚寅孟夏告成始居之者為黃池李嵩陽因書  
俾知所自康熙十二年知府姚琅重建大堂四十八年諸生江

岱等倡捐拓地徙儀門於南十數武增置號舍雍正十年東西

文場為大風所傾頽知府徐士林捐俸並募七學諸生增建文

場東西四十二間又增監視廳三間於東偏工未竣同知李國

相署府篆委懷甯縣教諭謝有輝監生江巒監工十一年告成

後移建藩署東咸豐初兵燬同治二年總督曾國藩檄建

桐城縣考棚在北門內道光二十三年知縣史丙榮建成豐初

兵燬同治四年以培文書院改設增新

潛山縣考棚舊在城南咸豐初兵燬同治二年知縣陳泳以遊

擊署舊址重建八年知縣趙志和增建西文場一所增新

太湖縣考棚在縣治里仁巷與書院毗連乾隆五十五年知縣

余心暢倡建成豐初兵燬十一年重建後為書院左為余公祠

宿松縣考棚在縣治東南儒學之北嘉慶十三年合邑紳士公

建前為龍門中建雲程發軔坊大堂三楹左右列文場四號舍二千餘坐後堂三楹額曰冰鑑左右舍各一間咸豐初兵燬同治二年邑人石繩箴捐屋應考未建號舍

望江縣考棚在縣治北儒學之左嘉慶四年知縣傅廷英建中為大堂左右列東西文場堂後屋一層為縣試時知縣住宿之所道光二十七年邑紳何俊捐修咸豐初殘毀同治二年邑紳龍璇等重修

徽州府試院在府治東元蒙古字學遺址明時建為察院國朝康熙二十八年休甯監生黃鳳翼捐資建造棚廠為試院學使始按臨歲試而科試仍在旌德雍正三年上下江分兩學使科歲試遂俱在本府試院歲久朽敝十二年歙人汪濤捐資重建大堂內署頭門儀門及四圍垣牆併增造樓房為寢息地規

制煥然乾隆五十六年歙人尚書曹文植重修咸豐十年兵燬知府劉傳祺建復

休甯縣考棚在石陽圩海陽書院西嘉慶十二年邑紳劉啟綸建中為大堂左右列東西文場堂後房二層大門外左右有鼓吹亭咸豐初兵燬

婺源縣考棚在東關集賢坊道光八年建成咸豐九年東文場燬十一年修復增新

祁門縣考棚在學宮左道光十年知縣王讓倡建同治八年知縣周溶重修增新

黟縣考棚道光五年知縣吳子珪建增新績溪縣考棚在縣治西兵燬增新

甯國府試院在府治西舊為宛陵書院明宣德中推官尹崇高

因故陞建正統間知府增修爲巡撫行臺後相沿爲使節往來  
公館

國朝康熙二十五年宣城知縣袁朝選捐資修建中爲大堂旁列  
東西文場大堂後爲瑞公堂又後爲青雲樓爲學使校士之所  
先是生童俱赴旌德縣考棚應試至是便之廣德州附考今仍  
其舊

涇縣考棚在縣治北大安寺之東乾隆三十九年邑貢生馬元  
龍建東西號舍二千四百有餘廳堂房舍畢具咸豐初兵燬  
甯國縣考棚道光二十六年知縣林自立倡建咸豐初兵燬今  
卽陞建爲縣署增新  
旌德縣考棚久廢道光十九年邑紳朱則環於鳧山書院西重  
建置田八十畝爲歲修費咸豐初兵燬增新

太平縣考棚咸豐初燬同治七年建復增新

池州府試院在城西街卽舊西察院陞明時建爲使節往來駐  
劄之地學使按臨卽校士其中乾隆四十年重建咸豐初兵燬  
同治三年知府范先謨知縣李熙瑞以書院改建

青陽縣考棚在縣署東大察院西乾隆四十一年知縣段中律  
倡指合邑興建

銅陵縣考棚在西門外咸豐初兵燬同治七年重建增新

石埭縣考棚在縣治東街前明察院舊陞嘉慶二十四年邑人  
捐輸建置堂廳號舍畢具咸豐初號舍燬今修

建德縣考棚舊在縣署東乾隆四十一年建六十年修門首橋  
路道光元年重修并建頭門十七年移於東門同治中知縣王  
必蕃捐修

舊志建德縣考棚在新察院東西兩旁乾隆四十一年闔邑紳士捐建按道光建德志載舊試院在東街明初建後圯國朝乾隆間改建儲備倉新試院在縣署東云云無所謂新察院東西兩旁者茲從縣志改錄而附存舊志原文以備考

東流縣考棚在菊江書院迤東嘉慶十七年知縣吳篋捐修

太平府試院在府城東本東察院趾明巡按御史駐節處

國朝康熙七年督學按臨遂為試院十年當塗知縣寇明允修葺

久漸圯壞三十四年知縣祝元敏重修四十四年知縣成文運

捐俸重建移儀門前數十武考場遂寬雍正三年上江學使孫

嘉淦大加修葺增建棚廠駐劄於此後皆因之乾隆十一年督

學觀保建貫一亭池心亭題曰江湖廊廟三十八年督學秦潮

建嘉樹軒嘉慶十一年督學周兆基捐建堂東懷袞樓二十三

年貢生張成淦以府屬生監錄遺向在試院後改赴江甯士培

跋涉呈請督學賈允升仍照舊制在院署錄遺士多便之咸豐

初兵燬同治十一年巡撫英翰布政使吳坤修籌款重建

府學考棚在府署東嘉慶二十二年邑南鄉士民公捐建置頭

門三開奎昌閣一座正堂三楹東西號舍三十間正堂序外左

右舍各一間後堂一層咸豐初兵燬同治四年知府楊玉輝知

縣趙光緒重建八年知府唐景皋修增置官廳

繁昌縣考棚道光十一年建咸豐初兵燬同治三年修復增新

廬州府試院在合肥縣學前

廬江縣考棚在大西門內同治中邑紳王曙堂吳長慶捐建增新

舒城縣考棚在縣治東道光十五年知縣吳士良建咸豐初兵

燬同治二年諸生高肇麟等倡捐四年知縣延齡率邑人修復

增新

鳳陽府試院在府治東即舊西察院明成化間知府南鵬建

國朝康熙五十三年學使胡潤添建東西文場咸豐初兵燬同治

中知府李銜華胡玉坦知縣王廷琳王步瀛率紳士相繼建復

定遠縣考棚道光中知縣饒元英就曲陽書院改建同治三年

邑人徐宗浦捐置卓堯

增新

壽州考棚在州治東南道光七年知州朱士達建

增新

宿州考棚在正誼書院東道光十二年知州周天爵捐建同治

三年知州張雲吉倡修

增新

潁州府試院在府治東門內雍正三年知州李月槎建後升州

為府遂合潁上霍邱亳州太和蒙城五州縣士子為公試公所

其亳州舊有試院雍正九年建於州治學宮之右而歲科兩試

不復按臨矣今為學正署同治初院圯知府李文森知縣尹沛

清率紳重建

渦陽縣考棚同治六年知縣薛元啟建

增新

太和縣考棚在文峯書院東知縣雷時夏倡建同治五年重修

增新

蒙城縣向無考棚歲科試均借用養正書院

滁州試院在州城內康熙五十年燬於火五十一年知州溫而

遜重建咸豐初兵燬今又重建

和州試院在州治振肅坊城隍廟西即察院行臺舊址雍正九

年署知州曹元夢學正唐德成勸輸建置咸豐初兵燬同治三

年知州林廷杰六年知州游智開相繼修復

含山縣考棚在學宮西道光二十四建咸豐初毀

增新

廣德州向無考棚歲科兩試生童赴甯國府附考咸豐九年創

建十年兵燬

六安州試院在州治東大街州於宋時為六安軍凡軍皆立試院故址無考

國朝雍正四年創建五年知州李懋仁捐俸倡之建大堂五楹東

西文場各五間門廳房舍悉備乾隆十三年知州金宏勳添建

東文場五間二十七年知州徐元添建號舍六間四十八年添

建東西文場各十二間咸豐七年兵燬同治初重建

英山縣考棚道光二十一年水圯增新

霍山縣向無考棚嘉慶三年知縣俞廷柏倡建雲程館以為局

試之地咸豐初燬增新

泗州試院在盱眙縣上龜山雍正四年建乾隆四十二年裁虹

歸泗並未遷移道光二十八年知州沈祥煦移建城內狀元街

咸豐閒兵燬同治三年邑紳吳棠倡建如舊

按南陵蕪湖無為巢縣懷遠鳳臺靈璧潁上霍邱亳州全椒  
來安天長五河十四州縣俱未建置





